



QEVERIA E KOSOVES - VLADA AQYDIA - GOVERNMENT OF KOSOVO	
MINISTRIA E BUJQESISE, PYLLTARISE DHE ZHVILLIMIT RURAL	
MINISTARSTVO POLJOPRIVREDE, ŠUMARSTVA I RURALNOG RAZVOJA	
MINISTRY OF AGRICULTURE, FORESTRY AND RURAL DEVELOPMENT	
Arkivi Qendror - Centralna Arhiva - Central Archive	
Nr./Br./No.	892
Nr. i fq./Br. Str./No. pg.	3+65
Data/Datum/Data:	22/02/2016
PRISTINE - PRISTINA - PRISTINA	

Republika e Kosovës
Republika Kosova - Republic of Kosovo
Qeveria - Vlada - Government

Ministria e Bujqësisë, Pylltarisë dhe Zhvillimit Rural
Ministarstvo Poljoprivrede, Šumarstva i Ruralnog Razvoja
Ministry of Agriculture, Forestry and Rural Development

DATË/A:	19/02/2016
REFERENC-Ë:	DZHPR-AM 11- 03/2016
PËR/ZA/TO:	Memli Krasniqi, Ministër i Bujqësisë, Pylltarisë dhe Zhvillimit Rural
CC:	Kapllan Halimi, Sekretar i Përgjithshëm i MBPZHR
NGA/OD/FROM:	Shqipe Dema, Drejtore e Departamentit të Zhvillimit të Politikave Rurale/Kryetare e Autoritetit Menaxhues
TEMA/SUBJEKAT/SUBJECT:	Programi për Zhvillim Rural 2016

I nderuar Ministër,

Përgatitja e Programit për Zhvillim Rural për vitin 2016 (PZHR 2016) është bazuar në draft-programin shtatëvjeçar për Bujqësi dhe Zhvillim Rural 2014-2020, për më tepër këtë vit Autoriteti Menaxhues ka shfrytëzuar edhe të dhënat dhe rekomandimet që kanë dalë nga raporti i vlerësimit ex-post.

PZHR 2016 vazhdon të adresoj sfidat e identifikuara përmes analizave sektoriale dhe SWOT analizës. Si rezultat i këtyre analizave të ndryshme është paraqitur arsyetimi i qartë për zhvillimin e nevojshëm të sektorit rural dhe bujqësor në Kosovë.

Aftësia konkurruese e prodhimtarisë bujqësore duhet të rritet me specializim gjithnjë e më të madh dhe modernizim të fermave bujqësore.

Struktura e vogël e pronës bujqësore pengon menaxhimin efikas të fermës, prandaj PZHR 2016 fokusohet në prodhimtarinë bujqësore për t'u orientuar kah tregu dhe fermat që janë ekonomikisht të qëndrueshme dhe me potencial për të furnizuar tregun vendor, për të zëvendësuar importet e larta, por potencialisht edhe për export.

Shumica e fermave përballen me makineri dhe pajisje teknike të vjetërsuara, duke iu pamundësuar fermerëve të aplikojnë sistemet moderne të menaxhimit të fermës për kultivimin e kulturave të ndryshme bujqësore, apo rritjen dhe mbarështimin e kafshëve.

Prandaj në PZHR 2016 prioritet i lartë i është dhënë investimeve në modernizimin e makinerisë dhe pajisjeve teknike, si dhe në modernizimin e ndërtesave/objekteve, si dhe

depove për ruajtje dhe paketim, me qëllim që të rrisin efektshmërinë dhe arritjen e standardeve nacionale.

Sektori i përpunimit të ushqimit duhet të modernizoj në vazhdimësi linjat e përpunimit sipas teknologjive të fundit. Në mënyrë që të zëvendësohen importet e produkteve me vlerë të shtuar, duhet të diversifikohet prodhimtaria për t'i përmbushur kërkesat e tregut për produkte të ndryshme dhe me cilësi të lartë.

Integrimi vertikal i ofruesve të inputeve, fermerëve, përpunuesve, si dhe marketingu është i nevojshëm për të përkrahur komercializimin e prodhimitarisë bujqësore. Kontratat e furnizimit në mes të prodhuesve dhe përpunuesve, qartë duhet të përkufizojnë cilësinë, furnizimin me mall, si dhe marrëveshjet për pagesa, pasi të gjitha këto nevojiten për një integrim të përmirësuar vertikal.

Në përgjithësi, zonat rurale përballen me nivel të ulët të zhvillimit ekonomik, që shpie kah shkalla e lartë e papunësinë, e që aktualisht është 40%. Me qëllim të reduktimit të emigrimit dhe të varfërisë në zonat rurale, duhet të krijohen mundësitë për vende të reja pune, duke e përkrahur diversifikimin e aktiviteteve bujqësore, si: përpunimin e produkteve ushqimore vendore që janë tradicionale, produkteve "niche", si dhe stimulimin e iniciativave të biznesit, për t'u bërë aktive në ofrimin e shërbimeve rurale, punëtorive të vogla, ku mund të inkurajohen ndërmarrësit e rinj, femra dhe meshkuj.

Grupet Lokale të Veprimit që tashmë janë të themeluara, mund të luajnë një rol të rëndësishëm në procesin e zhvillimit lokal. Prandaj, rëndësi e veçantë i është dhënë krijimit të kapacitetit të mjaftueshme të menaxhimit operativ për zbatimin e strategjive të zhvillimit lokal përmes GLV-ve. Trajnimi adekuat dhe ngritja e vetëdijes është e nevojshme për menaxhmentin e GLV-ve, si dhe përfshirja e aktorëve rural dhe përkushtimi i tyre në proceset e zhvillimit rural.

Zhvillimi i bujqësisë intensive dhe konkurruese, në kushtet e ekonomisë së tregut të lirë, është i pamundur pa zhvillimin e sistemit të ujitjes. Kjo bëhet edhe më e rëndësishme nëse merren parasysh ndryshimet klimatike të viteve të fundit dhe për të ardhmen.

Për të tejkaluar mungesën e ujit në kohën e thatësisë/sezonin e verës, si dhe për të përmirësuar prodhimitarinë intensive bujqësore, kultivimin e pemëve dhe perimeve, në PZHR 2016 janë paraparë investime në projektet e ujitjes të fokusuara më shumë në sistemet moderne të ujitjes të cilat i menaxhojnë humbjet e ujit dhe mbulojnë (ujisin) sipërfaqe më të madhe.

Gjithashtu mungesa e deritanishme e një fondi për kompensimin e dëmeve bujqësore që shkaktohen nga fatkeqësitë natyrore e ka veshiturë rifunksionalizimin ekonomik të fermave të afektuara nga dëmet, ndaj në PZHR 2016 është paraparë edhe krijimi i një mase të veçantë që do të adresoj këtë problem të ndjeshëm.

Në kuadër të Programit për Zhvillimit Rural 2016, iu është dhënë prioritet i veçantë:

- Investimeve që krijojnë vende të reja të punës, me qëllim që të ndikohet edhe në parandalimin e migrimit të rinjve nga zonat rurale;
- Investimeve që trajtojnë mbrojtjen e ambientit;
- Përdorimit të energjisë së ripërsëritshme;
- Promovimit të fermave me prioritet të lartë në sektorin e bujqësisë, që drejtohen prej të rinjve dhe sidomos femrave;


Tab 1. Masat e Programit për Zhvillim Rural 2016 dhe ndarja e buxhetit sipas masave

Masa 101	Investimet në assetet fizike të ekonomive bujqësore	14,500,000	63.04
Masa 103	Investimet në assetet fizike në përpunimin dhe tregtimin e prodhimeve bujqësore	5,000,000	21.73
Masa 302	Diversifikimi i fermave dhe zhvillimi i bizneseve	1,500,000	6.52
Masa 303	Grupet lokale të veprimit (GLV)	200,000	0.88
Masa 501	Asistenca teknike	300,000	1.3
Masa UTB	Ujitja e tokave bujqësore	1,000,000	4.34
Masa KDFN	Kompensimi i dëmeve nga fatkeqësitë natyrore	500,000	2.17
Totali		23,000,000	100

Ndërkohë dokumenti teknik për: Masën 303 - Grupet lokale të veprimit, Masën 501- Asistenca teknike dhe Masën KDFN - Kompensimi i dëmeve nga fatkeqësitë natyrore do t'i bashkëngjiten këtij dokumenti në momentin e finalizimit teknik para thirrjes për aplikim.

Duke ju referuar të gjithave që u thanë me lartë, ju lutem të aprovoni Programin për Zhvillim Rural 2016.

Aprovoi



Memli Krasniqi, Ministër i Bujqësisë,
Pylltarisë dhe Zhvillimit Rural

22.02.2016

Data

MASA 101: INVESTIMET NË ASETET FIZIKE TË EKONOMIVE BUJQËSORE

1. BAZA LIGJORE

Ligji Nr. 03/L-098 - Për Bujqësi dhe Zhvillim Rural, dt. 1 korrik 2009;
Ligji Nr. 04/L-090 - Për ndryshimin dhe plotësimin e Ligjit Nr. 03/L-098 për Bujqësinë dhe Zhvillimit Rural, dt. 16 tetor, 2012;
Ligji Nr. 03/L-029 - Për Inspeksionin Bujqësor, dt. 13 dhjetor 2008;
Ligji Nr. 03/L-042 - Për Produktet për Mbrojtjen e Bimëve, dt. 27 nëntor 2008;
Ligji Nr. 02/L-26 - Për Tokën Bujqësore, dt. 23 qershor 2006;
Ligji Nr. 02/L-9 - Për Ujitjen e Tokave Bujqësore, dt. 25 nëntor 2005;
Ligji Nr. 2004/13 - Për Materialin Fidanor, dt. 28 maj 2004;
Ligji Nr. 2003/5 - Për Farërat, dt. 15 prill 2003;
Ligji Nr.2005/47 - Për Verërat, dt. 14 tetor 2005;
Ligji Nr. 2004/21 - Për Veterinarinë, dt. 30 korrik 2004;
Ligji Nr. 04/L-191 - Për Blegtorinë, dt. 28 qershor 2013;
Ligji Nr. 02/L-10 - Për Përkujdesjen ndaj Kafshëve, dt. 9 maj 2005;
Ligji Nr. 03/L-024 - Për Vlerësimin e Ndikimit në Mjedis, dt. 19 mars 2009;
Ligji Nr. 03/L-025 - Për Mbrojtjen e Mjedisit, dt. 19. mars2009;
Ligji Nr. 04/L-074 - Për Shërbimet Këshilluese për Bujqësi dhe Zhvillim Rural, dt. 19 mars 2012;

2. ARSYESHMËRIA

Sektori i bujqësisë në Kosovë luan një rol shumë të rëndësishëm në ofrimin e mundësive në punësim dhe në krijimin e të ardhurave. Analiza SWOT për bujqësinë e Kosovës thekson zëvendësimin e importit dhe qasjen e lirë në tregun e BE-së, si mundësi të rëndësishme për përmirësimin e të ardhurave kombëtare dhe individuale nga bujqësia në Kosovë. Megjithatë, ky potencial do të realizohet vetëm nëse fermat janë të afta të konkurrojnë me çmimet e tregut në rajon dhe në BE.

Analiza e aftësisë konkurruese e bujqësisë së Kosovës tregon që aktualisht vetëm një pjesë shumë e vogël e fermave mund të konkurrojnë në tregun rajonal, të BE-së dhe atë ndërkombëtar. Shkaktarët kryesorë të kësaj aftësie të ulët konkurruese janë përmasat e vogla të shumicës së bizneseve bujqësore, fragmentimi i tokës së tyre, ndërtesat dhe pajisjet e vjetra, mungesa e mjeteve financiare për investime dhe niveli i ulët i njohurive lidhur me teknologjinë bashkëkohore të prodhimit. Veç kësaj, shumica e fermave nuk i përmbushin standardet e BE-së për siguri dhe higjienë të ushqimit, për mirëqenie të kafshëve dhe mbrojtje të mjedisit.

Një pjesë e madhe e fermave janë aq të vogla sa pothuaj i tërë prodhimi i tyre konsumohet drejtpërdrejt nga familja në fermë. Kështu që ka nevojë të ketë përqëndrim në përkrahjen e investimeve në asetet fizike të fermave që kanë orientim komercial dhe janë në gjendje të sigurojnë të ardhura të qëndrueshme.

Duke marrë parasysh faktin se shumica e fermave janë shumë të vogla, duket e arsyeshme që të nxitet edhe bashkëpunimi horizontal ndërmjet bujqve në formën e bashkëpunimit të prodhuesve, i cili mund ta ndërtojë bazën për organizatat e mëvonshme prodhuese, ose shoqatat e prodhuesve, por edhe për integrimin vertikal të bujqve, për shembull në hallkat e tregut përmes kontratave të furnizimit.

Me qëllim të përparimit të metodave të punës dhe zbatimit të inputeve cilësore, do të nxiten fermerët e rinj të moshës prej 18 deri 40 vjeç, të cilët përfaqësojnë bazën për një sektor bashkëkohor dhe inovativ bujqësor.

Në bazë të këtij shqyrtimi, por edhe të përparësisë krahasuese të cilën Kosova e ka në disa sektorë, kontributit të sektorëve në ekonominë e fermave dhe nevojës së sektorëve për përafrim me standardet e BE-së, masa do të përqendrohet në përkrahjen e investimeve në këta sektorë: pemë, perime (përfshirë patatet), qumësht, mish, rrush dhe vezë.

SEKTORI I PEMËVE

Si rezultat i kushteve të mira të kultivimit në shumë rajone të Kosovës, prodhimi i pemëve në Kosovë ka një traditë të gjatë. Mollët (1973 ha) dhe kumbullat (699 ha) përbëjnë pjesën më të madhe sa i përket sipërfaqes prodhuese dhe sasisë, kryesisht të kultivuar në kopshtet e shtëpive dhe me kultivim ekstensiv. Vitet e fundit ka filluar prodhimi më intensiv në pemishtet me mollë, dardha, vishnje dhe kumbulla, ndërsa prodhimi i pemëve manore ka shënuar një rritje të kënaqshme.

Në 3-4 vitet e fundit, zhvillim të hovshëm ka përjetuar kultivimi i mjedrës. Aktualisht (viti 2015) janë rreth 800 deri në 900 fermerë komercial që kultivojnë mjedër në një sipërfaqe të përgjithshme prej 350 deri në 400 ha, me një rendiment prej 8-15 t/ha, varësisht nga cilësia e fidanëve dhe përkujdesi i fermerit për fermën e tij.

Janë rreth 300 fermerë që kanë të mbjellura rreth 150 ha me dredhëza. Rendimentet janë 15-25 t/ha te pemishtet komerciale me fidanë cilësor. Ndërsa te pemishtet tjera rendimenti është nga 8 - 12 t/ha.

Boronica e kultivuar është në fillim të përhapjes. Aktualisht (2015) janë rreth 30 ha me boronicë të kultivuar.

Megjithatë, prodhimi vendor nuk e arrin vetëmjaftueshmërinë, gjë që lë hapësirë për zgjerimin e sipërfaqeve me prodhim intensiv të pemëve. Momentalisht prodhuesit e pemëve ballafaqohen me disa probleme, si pemishtet e vjetra dhe varietetet me cilësi të dobët, mungesa e mundësive për ujitje, mungesa e depove për ruajtjen e pemëve, pajisjet e dobëta për klasifikim dhe paketim për tregtimin e pemëve. Tregu kërkon sasi të vazhdueshme dhe konsistente të pemëve me cilësi të lartë. Kështu që, kjo nënmasë kryesisht synon intensifikimin e prodhimit të pemëve në një sipërfaqe më të gjerë dhe arritjen e standardeve të cilësisë së lartë të produkteve. Përfitues që synohen me këtë nënmasë janë fermat me rentabilitet potencial ekonomik me një prodhim të orientuar nga tregu.

Nënmasa do të përqendrohet në përmirësimin e efikasitetit të prodhimit duke përkrahur ngritjen/rehabilitimin e sipërfaqeve të reja me pemishte, modernizimin e pajisjeve për kultivim, sistemet për ujitje që kursejnë ujë dhe makinerinë e përdorur në fermë për ta përmirësuar efikasitetin në fermë si dhe përmirësimin e përgjithshëm të standardeve. Do të përkrahët ndërtimi dhe përmirësimi i objekteve për t'i mundësuar aktivitetet e pasvjeljes. Do të përkrahën edhe investimet e mëtejme në shfrytëzimin e qëndrueshëm të energjisë.

SEKTORI I PERIMEVE DHE SERRAVE (PËRFSHIRË PATATET)

Spektori i perimtarisë, pavarësisht shtrirjes së vogël, është më premtuesi në Kosovë, pasi që ka kushte të mira kultivimi dhe mund të sigurojë rritje të mirë të vlerës së shtuar. Spektori i perimtarisë përbëhet vetëm nga një numër i vogël i kultivuesve komercialë dhe një numër i madh i kultivuesve gjysmë-komercial dhe ekzistencial.

Spektori dominohet nga fermat e vogla private me një sipërfaqe mesatare prej 0.80 hektarë, me prodhimtari dhe rendimente të ulëta si dhe zinxhirë joefikas të furnizimit, me shpenzime të larta për grumbullim dhe logjistikë. Tregtimi i perimeve të freskëta shpesh bëhet pa paketim të përshtatshëm dhe pa klasifikim të prodhimeve.

Në kuadër të kësaj nënmase, përkrahja do të sigurohet për ndërtimin e serrave të përhershme për prodhimin e pemëve manore dhe perimeve si dhe ndërtimin e depove për trajtim pas vjeljes dhe ruajtjen e pemëve dhe perimeve. Nevoja për pemë dhe perime të freskëta gjatë tërë vitit është në rritje. Këtë mungesë në treg mund ta plotësojë më së miri prodhimi në ambiente të mbyllura/mbrojtura. Prodhimi në serra është intensiv në sipërfaqe të vogla që kërkon fuqi relativisht të madhe punëtore (më shumë se kultivimi i prodhimeve të njëjta në fushë të hapur). Në këtë mënyrë kjo nënmasë kontribuon në shtimin e vendeve të punës. Tregu kosovar është i furnizuar me pemë dhe perime të freskëta gjatë tërë vitit, kryesisht të importuara nga vende të ndryshme. Rritja e sipërfaqeve me serra i kontribuon edhe zëvendësimit të prodhimeve të importuara me prodhime vendore, rrjedhimisht edhe përmirësimin të bilancit tregtar negativ të vendit.

M.K.

SEKTORI I MISHIT

Mishi i gjedhit tradicionalisht është konsideruar si nënprodukt i sektorit të qumështit. Të gjithë viçat vijnë nga fermat prodhuese të qumështit, d.m.th. nuk ekziston një zinxhir furnizimi i mishit, i kompletuar dhe specializuar. Stallat për majmëri janë kryesisht objekte të konvertuara nga objektet për prodhimin e qumështit ose objekte të ndërtuara nga vetë fermerët e vegjël.

Për të shtuar profesionalizmin në mbarështimin e gjedheve për mish, është e nevojshme që të përmirësohen njohuritë teknike të prodhuesve, sidomos të fillestarëve, rreth praktikave të mbarështimit të gjedheve për mish dhe prodhimit të ushqimit për kafshë, duke i përshtatur trajnimet dhe shërbimin këshillues. Mbarështuesit e gjedheve për mish gjithashtu kanë më shumë nevojë për investime në stalla dhe objekte ndërtimore. Investimet në makineri të fermës për prodhim të ushqimit për kafshë dhe investimet në menaxhimin e mbetjeve dhe plehut gjithashtu kanë prioritet të lartë. Ka nevojë për ndërtimin e stallave të reja dhe objekteve të fermave për mbarështim të kafshëve për mish në përputhje me standardet ekzistuese për mirëqenie të kafshëve dhe mjedis. Janë të nevojshme pajisje për fermë si: sistemi i furnizimit me ujë, sistemi i të ushqyerit, largimi i plehut të stallës, makineria e fermës, sidomos për prodhimin, ruajtjen, përgatitjen, përdorimin dhe shpërndarjen e ushqimit të kafshëve. Me këtë nënmasë do të synohet përkrahja për fermerët komercialë të specializuar në majmëri të gjedheve.

Konsumi i mishit të shpezëve pritet të rritet edhe më tutje. Meqë shumica e mishit të shpezëve importohet, ka një potencial të madh për zëvendësim të importit. Qasja e përmirësuar në shërbime dhe inpute e ka bërë këtë biznes të mundur edhe për ndërmarrësit e mesëm të cilët nuk kanë kapacitet që të ndërtojnë një cikël të mbyllur, nga prodhimi i ushqimit të kafshëve deri te tregtimi/shitja. Ka nevojë për investime në vendosje/strehim më të mirë të shpezëve, përgatitje të ushqimit cilësor, kontroll të cilësisë, monitorim të shëndetit si dhe ruajtje dhe trajtim të plehut të stallës. Kjo nënmasë fokusohet në përkrahjen e prodhuesve ekzistencialë dhe atyre të rinj me madhësi mesatare të fermës, me qëllim të rritjes së aftësisë konkurruese në prodhimin vendor, duke e rritur numrin e prodhuesve të mesëm të brojlerëve (zogjve të pulës) si dhe rritjen e kapaciteteve prodhuese të tyre. Përmes shërbimeve këshilluese dhe trajnimeve profesionale duhet të përmirësohet cilësia e prodhimit me kosto sa më të ulët.

SEKTORI I QUMËSHTIT

Qumështi i lopës është prodhimi më i rëndësishëm blegtoral në Kosovë. Vitet e fundit janë bërë përpjekje që prodhimi i qumështit të kalojë nga prodhimi për konsum familjar në prodhim për treg, që të përmirësohen kushtet e mbarështimit, të zbatohen praktikat e mira bujqësore në fermat prodhuese të qumështit dhe të rritet kapaciteti i bujqëve për prodhim të qumështit me cilësi të lartë.

Cilësia jo e kënaqshme e qumështit të freskët ka shtyrë MBPZHR-në në zbatimin e skemës së pagesave direkte për cilësi të qumështit. Ende ka mjaft hapësirë për përmirësim në asetet fizike si në objekte më të mira, pajisje më bashkëkohore të stallave, sisteme më të mira dhe më bashkëkohore të mjeljes. Nënmasa synon përkrahjen e prodhuesve komercial të qumështit.

Modernizimi i sistemeve bujqësore, sidomos të prodhimi intensiv blegtoral, mund të shpijë në rritjen e lirit të gazrave, të cilat ndikojnë në ndryshimet klimatike. Nënmasa do t'i përkrahë investimet në menaxhimin e plehut të stallës dhe objektet për ruajtjen e tij që zvogëlojnë lirin e këtyre gazrave, ndërsa prioritet do t'i jepet projekteve të modernizimit që përfshijnë investime të tilla.

Prodhimi i qumështit nga ripërtpësit e vegjël (dele, dhi) është kryesisht një cikël i mbyllur, nga prodhimi i qumështit, te përpunimi i djathit dhe shitja (marketingu) në fermë. Vetëm disa ferma janë komerciale, ndërsa shumica e prodhuesve që mbajnë ripërtpës të vegjël janë ferma të vogla me praktika kryesisht tradicionale të mbarështimit të kafshëve. Ka nevojë të madhe për investime në modernizimin e stallave, objekteve përcjellëse infrastrukturore, për përdorimin e sistemeve të mjeljes, etj.

SEKTORI I RRUSHIT

Ngastrat e vreshtave kryesisht janë të vogla, ndërsa prodhimi i rrushit bëhet nga 4780 vreshtarë. Madhësia mesatare është 0.5 ha me rendiment mesatar prej 8 - 10t/ha. Vreshtat e Kosovës përfshijnë 751 hektarë me rrush tryeze dhe 2440 hektarë me rrush të verës¹. Shpenzimet e prodhimit janë të larta si rrjedhojë e kultivimit të gjerë (pjesërisht për shkak të vreshtave të vjetra), ngastrave të vogla dhe mekanizimit të vjetër. Rrushi i tryezës, i prodhuar në vend, ballafaqohet me konkurrencë të fortë nga importi i cili është i kategorizuar dhe paketuar mirë. Prioritet do t'i jepet prodhimit të rrushit të tryezës, por edhe prodhimit të rrushit të verës. Investimet në ristrukturimin dhe modernizimin e prodhimit dhe tregtimit të rrushit janë të nevojshme për të konkurruar me prodhimet e importuara.

SEKTORI I VEZËVE

Spektori i prodhimit të vezëve është relativisht mirë i konsoliduar. Prodhimi i vezëve në fermat komerciale vlerësohet të jetë rreth 283 milionë vezë (2014) ndërsa në kuadër të ekonomive familjare prodhohen edhe rreth 74 milionë copë që rezulton me një prodhimtari totale 357 milionë vezë. Në vitin 2014 janë importuar rreth 6 milionë vezë nga Shqipëria. Konsumi mesatar për kokë banori llogaritet të jetë rreth 200 vezë/vit dhe mund të themi se Kosova plotëson rreth 98% të nevojave për konsum të vezëve.²

¹EVV, 2014

² Raporti i Gjelber 2015

Shumica e prodhuesve aplikojnë sistemin e mbajtjes në kafaze. Objektet e prodhimit në shumicën e rasteve janë relativisht të vjetra dhe është vështirë të ofrohen prodhimet e kërkuara (vezët, ushqimet, zogjtë, etj.) me çmime konkurruese.

Për ta përmirësuar efikasitetin e prodhuesve mesatarë, prioritet do t'i jepet fermave të mesme me nga 5000 deri 25,000 pula vojse, të cilat mund t'i përballojnë lëvizjet e mëdha të çmimeve përgjatë viteve dhe të konkurrojnë në tregun dinamik.

Do të sigurohet përkrahje për ta përmirësuar efikasitetin e prodhimit duke investuar në pajisje më të mira për stallë dhe higjienë në stallë (ajrosje, sistem të ujit, sistem të grumbullimit të vezëve, etj). Duhet të përmirësohet menaxhimi i plehut të stallës dhe mbetjeve të tjera, pasi që ndikimi negativ i shpeztarisë intensive në mjedis mund të jetë i lartë nëse nuk trajtohet si duhet, gjersa krijon të hyra shtesë kur menaxhohet si duhet. Shërbimet këshilluese në Kosovë duhet të përmirësohen ashtu që t'u ofrojnë trajnim përkatës prodhuesve të mesëm dhe të vegjël në prodhimin e ushqimit të kafshëve, operimin dhe mirëmbajtjen e linjave gjysmë-automatike për grumbullimin dhe kategorizimin e vezëve.

3. OBJEKTIVAT E PËRGJITHSHME

- Rritja e aftësisë konkurruese të bujqësisë kosovare dhe zëvendësimi i importit;
- Krijimi i vendeve të reja të punës dhe shtimi i punësimit në viset rurale;
- Përkrahja e bujqve në sektorët e përzgjedhur, me qëllim të përafrimit me rregullat, standardet, politikat dhe praktikatat e BE-së;
- Përkrahja e zhvillimit ekonomik dhe shoqëror duke synuar rritje të qëndrueshme dhe gjithëpërfshirëse, nëpërmjet zhvillimit të fermave;
- Adresimi i sfidave të ndryshimit klimatik përmes shfrytëzimit të energjisë së ripërtërishme.

3.1 OBJEKTIVAT E VEÇANTA

SEKTORI I PEMËVE DHE SEKTORI I PERIMEVE (PËRFSHIRË PATATET)

- Rritja e prodhimit të pemëve dhe perimeve (përfshirë patatet), për qëllime komerciale;
- Përmirësimi i cilësisë me qëllim të përmbushjes së standardeve përkatëse kombëtare dhe të atyre të BE-së;
- Modernizimi i fermave përmes përdorimit të pajisjeve të reja dhe mekanizimit modern;
- Zvogëlimi i humbjeve pas vjeljes nëpërmjet investimeve në fermë, në teknologjinë e ruajtjes, në infrastrukturë dhe pajisje për fazën pas vjeljes, përfshirë kapacitetet për ftohje, klasifikim dhe paketim;

- Prodhimi i energjisë së ripërtërishme;
- Përmirësimi i integritit të fermerëve me blerësit e prodhimeve bujqësore.

SEKTORI I QUMËSHITIT DHE SEKTORI I MISHIT

- Krijta e prodhimit në fermat e specializuara;
- Përmirësimi i cilësisë me qëllim të përmbushjes së standardeve kombëtare dhe të atyre të BE-së;
- Modernizimi i fermave përmes përdorimit të pajisjeve të reja dhe mekanizimit modern;
- Zvogëlimi i lirimit të oksidit të azotit dhe metanit përmes trajtimit të duhur të plehut organik dhe mos-ndotjes së ujërave mbitokësore dhe nëntokësore;
- Prodhimi i energjisë së ripërtërishme;
- Përmirësimi i integritit të fermerëve me blerësit e prodhimeve të tyre.

SEKTORI I RRUSHIT

- Krijta e prodhimit të rrushit të tryezës dhe rrushit të verës;
- Përmirësimi i cilësisë me qëllim të përmbushjes së standardeve kombëtare dhe të atyre të BE-së;
- Modernizimi i fermave përmes përdorimit të fidanëve cilësorë dhe mekanizimit modern;
- Prodhimi i energjisë së ripërtërishme;
- Përmirësimi i integritit të fermerëve me blerësit e produkteve të tyre.

SEKTORI I VEZËVE

- Përmirësimi dhe zgjerimi i kapaciteteve ekzistuese prodhuese;
- Përmirësimi i cilësisë me qëllim të përmbushjes së standardeve kombëtare dhe të atyre të BE-së;
- Modernizimi i fermave përmes përdorimit të pajisjeve të reja dhe mekanizimit modern;
- Zvogëlimi i lirimit të oksidit të azotit dhe metanit përmes trajtimit të duhur të plehut organik;
- Prodhimi i energjisë së ripërtërishme;
- Përmirësimi i integritit të fermerëve me blerësit e prodhimeve të tyre;

4. LIDHJA ME MASAT E TJERA NË PBZHR

Kjo masë ka ndërlidhje me masat e tjera të PBZHR-së, si:

- Masa 103 "Investimet në asetet fizike për përpunimin dhe tregtimin e prodhimeve bujqësore";
- Masa 302 "Diversifikimi i fermave dhe zhvillimi i bizneseve".

5. PËRFITUESIT PËRFUNDIMTAR

Përfituesit përfundimtar nën këtë masë janë fermerët, sipas definicionit nga Ligji për Bujqësi dhe Zhvillim Rural (L-03/098) dhe ndërmarrjet e tjera bujqësore të regjistruara në Regjistrin e Fermave.

6. KRITERET E PËRBASHKËTA TË PRANUESHMËRISË

6.1. APLIKUESIT E PRANUESHËM

- Nëse aplikuesi është person fizik, ai duhet të jetë së paku 18 vjeç, por jo më i vjetër se 65 vjeç. Në rastin e personave juridik ky kriter nuk aplikohet;
- Personi fizik duhet ta ketë të përfunduar së paku shkollën e mesme dhe dy vjet përvojë pune në lëmin në të cilën aplikon. Në rastin e personave juridik, kërkesa e sipërpërmendur vlen për pronarin ose për personin e autorizuar të ndërmarrjes. Personi i autorizuar duhet të jetë i punësuar me kontratë jo më të shkurtër se tre vjet;
- Aplikuesit që nuk kanë përvojë pune dy vjeçare, duhet të bëjnë një deklaratë me shkrim, me të cilën zotohen se do të ndjekin kurse trajnimi me së paku 20 orë mësimi, në fushën për të cilën aplikojnë, e të cilat do t'i përfundojnë para kërkesës për pagesën e fundit;
- Aplikuesit duhet t'i kenë të shlyera detyrimet tatimore dhe atë, personat fizik, tatimin në pronë, kurse personat juridik, tatimin në të ardhura të korporatave dhe tatimet e tjera të aplikueshme;
- MBPZHR përkrah me mjete publike vetëm projektet të cilat pas përfundimit të investimeve janë funksionale dhe sjellin përfitim për përfituesin.
- Të gjithë përfituesit e projekteve të zhvillimit rural obligohen t'i mirëmbajnë investimet e tyre sipas projektit të miratuar gjatë pesë vjetëve pas realizimit të projektit, aq sa zgjat periudha monitoruese. Nëse nuk i mirëmban investimet, përfituesi obligohet ta kthejë shumën e financuar të përkrahjes publike;

6.2. STANDARDET KOMBËTARE

Standardet kombëtare për shëndetin e kafshëve, mirëqenien e kafshëve dhe mbrojtjen e mjedisit janë të paraqitura në Shtojcën nr. 5 të Udhëzuesit për aplikant. Ato duhet të përmbushen më së voni para kërkesës për pagesën e fundit dhe verifikohen me kontrollin e personit zyrtar në vendin e investimit.

6.3. QËNDRUESHMËRIA EKONOMIKE

- Për projektet investuese në të cilat investimet e pranueshme janë më të vogla ose baras me 20,000 €, aplikuesit duhet ta dorëzojnë një projekt-propozim teknik sipas modelit të Ministrisë për Bujqësi, Pylltari dhe Zhvillim Rural (MBPZHR).
- Për projektet investuese në të cilat investimet e pranueshme janë më të mëdha se 20,000 €, aplikuesit duhet ta dorëzojnë një plan të biznesit sipas modelit të MBPZHR-së.
- Modelet për projekt-propozim teknik dhe për planin e biznesit do të publikohet në uebfaqen e Agjencisë për Zhvillimin e Bujqësisë (AZHB) dhe MBPZHR dhe do të jenë në dispozicion për të gjithë përfituesit.

6.4. KRITERET E TJERA TË PRANUESHMËRISË

Përfituesit e projekteve me vlerë të investimeve të pranueshme në shumën më të madhe se 50,000 €, para nënshkrimit të kontratës me AZHB, duhet t'i regjistrojnë ndërmarrjet e tyre dhe të gjitha investimet / shpenzimet duhet të faturohen në emër të kësaj ndërmarrjeje.

Të gjithë përfituesit të cilët në planin e tyre të biznesit kanë deklaruar se do të krijojnë vende të reja të punës dhe për këtë kanë fituar pikë gjatë vlerësimit, duhet t'i krijojnë ato dhe t'i dëshmojnë me pagesën e kontributit pensional dhe tatimit në paga për së paku muajin e fundit para kërkesës për pagesën e fundit. Përfituesit janë të detyruar t'i mbajnë këto vende pune të plotësuara me punëtorë me orar të plotë për 5 vjet, aq sa zgjatë periudha monitoruese.

Projektet e financuara nga Programi i Zhvillimit Rural 2016 nuk bën të jenë të financuara edhe nga Zyra e BE-së në Kosovë apo ndonjë donator tjetër publik vendor ose ndërkombëtar. Në rast të zbulimit se përfituesi ka përfituar përkrahje për projektin e njejtë edhe nga ndonjë donator tjetër, atij nuk i jepet përkrahja ose nëse e ka marrë atë, ai do të detyrohet t'i kthejë mjetet e marra, si dhe ndaj tij do të zbatohen ndëshkimet në përputhje me ligjin.

Përfituesi, i cili ka aplikuar në MBPZHR dhe institucione tjera publike apo në zyrën e BE-së në Kosovë dhe projekti i tij përzgjedhet për financim nga ndonjëri prej institucioneve, duhet menjëherë të informojë MBPZHR / AZHB apo institucionet tjera përkatëse.

Përfituesit nuk mund t'i jepet një projekt i ri nëse projektet e mëparshme nuk janë përfunduar në përputhje me kontratën e nënshkruar me AZHB. Në rastin e projekteve të ndërtimit / zgjerimit aplikuesit me rastin e aplikimit duhet të dorëzojnë:

- Kopjen e skicave të objektit dhe një parallogaritje të shpenzimeve të materialit dhe të punëve të parapara;
- Kopjen e planit të parcelës ku do të bëhet investimi;
- Fletën poseduese të parcelës ose në rast se toka është marrë me qira, kontratën e noterizuar të qirasë për së paku 10 vjet për parcelën ku do të bëhet ndërtimi;
- Pëlqimin e Komunës që dëshmon se në rast të dhënies së grantit, aplikuesi mund të marrë leje ndërtimi;
- Pëlqimin e komunitetit, nëse është paraparë me ligj.

Përfituesi, para se të bëjë kërkesën për pagesë në AZHB, duhet të dorëzojë:

- Lejen për ndërtim nga organi kompetent i Komunës.
- Vlerësimin e ndikimit në mjedis, nëse është paraparë me ligj.

Në rast të ndërtimit, zgjerimit apo renovimit të objekteve, të ngritjes së pemishtes, vreshtit dhe / apo vendosjes së sistemit të ujitjes në toka të marra me qira, kontrata për qiramarrje duhet të jetë për së paku 10 vjet. Kontratës duhet t'i bashkëngjitet pëlqimi i pronarit (qiradhënësit), i vërtetuar te noteri, për investimin që do të bëhet në tokën e tij. Pëlqimi i pronarit mund të përfshihet edhe në kontratën për qiramarrje.

Kontrata për qiramarrje nuk kërkohet vetëm në rastet kur pronari i tokës dhe aplikuesi janë në marrëdhënie bashkëshortore apo në vijë të drejtë të gjakut pa kufij (p. sh.: stergjyshërit, gjyshërit, prindërit, fëmijët, nipërit, etj.) dhe kjo dëshmohet përmes certifikatës së martesës apo certifikatës së lindjes. Poashtu, aplikuesi duhet të plotësojë Deklaratën nën betim, me të cilën dëshmon se toka me të cilën aplikon është në pronësi të tij.

6.5. LISTA KONTROLLUESE PËR PËRZGJEDHJE MJEDISORE

Me rastin e përzgjedhjes së përfituesve, para nënshkrimit të kontratave për financim të projekteve për zhvillim rural, projektet e përzgjedhura do t'i nënshtrohen procedurës së vlerësimit mjedisor, sipas Listës Kontrolluese për Përzgjedhje Mjedisore (Shtojca Nr. 17). Lista kontrolluese do të plotësohet nga AZHB duke dhënë informata shtesë për rubrikën "Karakteristikat specifike" për t'i sqaruar përgjigjet e dhëna. Nëse një apo më shumë përgjigje në listën kontrolluese është pozitive (PO), atëherë projekti do të ketë ndikim në mjedis, dhe si i tillë kërkon përgatitjen e Planit për Menaxhim Mjedisor (PMM).

Masat zbutëse të parashikuara në listën kontrolluese do të jenë pika udhëzuese për përgatitjen e PMM-së. Procesi i aprovimit të projektit kërkon që të gjitha masat zbutëse të propozuara të

pranohen dhe të miratohen për zbatim nga ana e aplikuesit. Përgatitja e PMM-së do të jetë obligim i vetë aplikuesit, ndërsa shpenzimet për përgatitjen e tij do të konsiderohen si shpenzime administrative.

7. KRITERET E VEÇANTA TË PRANUESHMËRISË

Spektori i pemëve (molla, dardha, kumbulla, vishnja, qershia, kajsia, pjeshka, ftoni, dredhëza, mjedra, manaferra, boronica dhe aronia)

- Në momentin e aplikimit për investime në spektorin e pemëve, aplikuesit duhet të dëshmojnë se kanë sipërfaqe të tokës bujqësore në pronësi, të trashëguar apo të marrë me qira për së paku 10 vjet dhe të regjistruar në Regjistrin e Fermave dhe atë së paku 1 hektar për pemë drufrutore (molla, dardha, kumbulla, vishnja, qershia, kajsia, pjeshka, dhe ftoni) dhe/ose 0.50 hektar për pemë manore (dredhëza, mjedra, boronica, manaferra dhe aronia). Sipërfaqja minimale e ngastrës për pemë manore duhet të jetë 0.25 hektar dhe për pemë drufrutore 0.50 hektar;
- Përfituesit për ngritje të pemishteve të reja, së paku para kërkesës për pagesë, nëse blejnë fidanë të prodhuar në Kosovë, duhet të dorëzojnë kopjen e certifikatës fito-sanitare mbi gjendjen shëndetësore të materialit fidanor që përmbush kriterin CAC (Conformitas Agraria Communitatis) dhe kopjen e licencës së prodhuesit, kurse ata që blejnë fidanë të importuar nga vendet e BE-së, duhet të dorëzojnë kopjen e certifikatës fito-sanitare mbi gjendjen shëndetësore të materialit fidanor që përmbush së paku kriterin CAC të lëshuar nga prodhuesi, certifikatën për prejardhjen e origjinës dhe lejen e importit të ndërmarrjes importuese.
- Fidanët e mbjellur të pemëve drufrutore duhet të kenë të ngjitur në trup etiketën e institucionit certifikues. Përfituesit për ngritjen e pemishteve me pemë manore duhet t'i ruajnë etiketat e fidanëve të blerë me tufa për t'i paraqitur para kontrolluesve të AZHB-së me rastin e kontrollit.

Spektori i perimeve dhe serrave (përfshirë patatet)

- Në momentin e aplikimit për investime në depo për pemë dhe perime (përfshirë patate), aplikuesit duhet të dëshmojnë se kanë së paku 2 hektarë sipërfaqe të tokës bujqësore në pronësi, të trashëguar apo të marrë me qira për së paku 10 vjet dhe të regjistruar në Regjistrin e Fermës.
- Në momentin e aplikimit për investime në serra të reja të përhershme, aplikuesi duhet të dëshmojë se ka së paku 0.10 hektar tokë të punueshme të regjistruar në Regjistrin e Fermave.

Spektori i mishit

- Për investime në sektorin e mishit (majmëria e viçave dhe zogjve të pulës), aplikuesit nuk janë të obliguar të kenë viça/ zogj në momentin e aplikimit, por para kërkesës për pagesën e fundit duhet të kenë së paku 20 krerë viça me matrikuj të Republikës së Kosovës ose të vendeve të BE-së ose 5,000 zogj pule, dhe këto duhet t'i dëshmojnë me dokumente përkatëse dhe me praninë e tyre në stallë. Aplikantët që aplikojnë për ndërtimin e stallës për viça, në projektin e tyre duhet ta përfshijnë edhe depon e plehut me kapacitet të mjaftueshëm për së paku 3 muaj.
- Në momentin e aplikimit, aplikuesit për majmëri të viçave duhet të dëshmojnë se kanë së paku 0,25 hektar të tokës bujqësore për kokë viçi, në pronësi, të trashëguar apo të marrë me qira për së paku 3vjet. Në rast të investimeve në mekanizëm bujqësor për kultivimin e tokës, kohëzgjatja e qirasë duhet të jetë së paku 10 vjet.

Sektori i qumështit

- Në momentin e aplikimit, aplikuesit për investime në sektorin e prodhimit të qumështit duhet të kenë së paku 10 lopë qumështore ose 100 dele ose 100 dhi në prodhimtari aktive, të regjistruara në Regjistrin e Fermës dhe në Regjistrin për Identifikim dhe Regjistrim të Kafshëve në AUV.
- Aplikantët që aplikojnë për ndërtimin e stallës, në projektin e tyre duhet të përfshijnë edhe depon e plehut me kapacitet të mjaftueshëm për së paku 3 muaj (shiko listën e standardeve të detyrueshme).
- Në rast të investimeve në mekanizim bujqësor për kultivimin e tokës, aplikuesit duhet të dëshmojnë se kanë të paktën 0.5 hektar të tokës bujqësore për çdo krerë lope, respektivisht 0.05 hektar të tokës bujqësore për kokë deleje/dhie, në pronësi, të trashëguar apo të marrë me qira për së paku 10 vjet. Kontrata për qiramarrjen duhet të jetë e noterizuar.

Sektori i rrushit

- Në momentin e aplikimit, aplikuesit për investime në sektorin e rrushit duhet të dëshmojnë se kanë tokë bujqësore në pronësi, të trashëguar apo të marrë me qira për së paku 10 vjet, dhe të regjistruar në Regjistrin e Fermës dhe atë së paku 0.3 hektar për rrush të tryezës ose 0.6 hektar për rrush të verës. Sipërfaqja minimale e ngastrës duhet të jetë 0.1 hektar për rrush të tryezës dhe 0.2 hektar për rrush të verës.
- Në rast të investimeve në mekanizim dhe pajisje për kultivim dhe vjelje, si dhe depo për trajtim pas vjeljes, aplikuesit duhet të dëshmojnë se kanë së paku 3 hektarë me vreshta, në pronësi, të trashëguar apo të marrë me qira për së paku 10 vjet, të regjistruar në Regjistrin e Vreshtave dhe në Regjistrin e Fermës. Kontrata për qiramarrjen duhet të jetë e noterizuar.
- Përfituesit për ngritje të vreshtave të reja, duhet të blejnë vetëm fidanë të importuar nga vendet e BE-së dhe duhet të dorëzojnë kopjen e certifikatës fito-sanitare mbi gjendjen

11.6

shëndetësore të materialit fidanor të lëshuar nga prodhuesi, certifikatën mbi prejardhjen e origjinës dhe lejen e importit të ndërmarrjes importuese.

- Përfituesit për ngritje të vreshtave të reja, mund të blejnë edhe fidanë të këtyre varieteteve autoktone të rajonit: Vranac, Kallmet, Prokup, Smederevkë dhe duhet të dorëzojnë kopjen e certifikatës fito-sanitare mbi gjendjen shëndetësore të materialit fidanor të lëshuar nga prodhuesi, certifikatën mbi prejardhjen e origjinës dhe lejen e importit të ndërmarrjes importuese.

Sektori i vezëve

- Aplikuesit për investime në sektorin e vezëve, duhet të dëshmojnë posedimin e së paku 5,000 pulave vojse në prodhimtari aktive, të regjistruara në Regjistrin e Fermës.
- Aplikantët që aplikojnë për ndërtimin e fermës së vezëve, në projektin e tyre duhet të përfshijnë edhe depon e plehut me kapacitet të mjaftueshëm për së paku 3 muaj.

8. INVESTIMET E PRANUESHME

Shpenzimet e pranueshme janë të kufizuara në ato që janë përfshirë në Listën e Investimeve të Pranueshme për Masën 101, e paraqitur si Shtojca Nr. 6 e Udhëzuesit për Aplikues.

Shpenzimet për përgatitjen e planit të biznesit apo projekt-propozimit nuk mund ta tejkalojnë vlerën prej 3% të shpenzimeve të pranueshme. Në rast të investimeve që parashohin ndërtim të stallave apo depove për ruajtjen e pemëve dhe perimeve, shpenzimet për arkitekt dhe inxhinier, leje dhe licenca të ndryshme janë të pranueshme deri në vlerën 7% të shpenzimeve të pranueshme.

8.1. INVESTIMET E PRANUESHME PËR SEKTORË

Investimet në sektorin e pemëve

- Investimet në ngritjen e pemishteve të reja me sipërfaqe minimale prej 1 hektar për pemë drufrutore dhe 0.50 hektar për pemë manore;
- Investimet në vendosjen e sistemeve të ujitjes në fermë, sipas praktikave efikase të ujitjes;
- Investimet në prodhimin e energjisë eficiente në fermë nga burimet e ripërtërishme;
- Investimet në vendosjen e rrjetave për mbrojtje nga breshëri;
- Investimet në makineri bujqësore dhe pajisje për pemishte, për mbrojtje të bimëve, për plehërim, për vjelje dhe trajtim pas vjeljes;
- Investimet në ndërtimin dhe përmirësimin e objekteve për aktivitetet e pas vjeljes, objekteve për vendosjen e makinave, si dhe depove për produkte për mbrojtje të bimëve dhe për plehra artificiale.

Investimet në sektorin e perimeve dhe serrave (përfshirë patatet)

- Investimet në ndërtimin e serrave të përhershme për perime, pemë manore apo fidanë me madhësi minimale prej 0.1 hektar. Sipërfaqja minimale e një serre është 0.1 hektar;
- Investimet në prodhim të energjisë eficiente në fermë nga burimet e ripërtërishme;
- Blerja dhe instalimi i pajisjeve për arritjen e kushteve të kontrolluara klimatike;
- Investimet në vendosjen ose avancimin e sistemeve të ujitjes në serrë sipas praktikave efikase të ujitjes;
- Ndërtimi i objekteve për trajtim pas vjeljes (klasifikim, paketim, etiketim) dhe për ruajtje të prodhimit, si dhe depove për produkte për mbrojtje të bimëve dhe për plehra artificiale.
- Blerja e mekanizmit përkatës për kultivimin e perimeve në fushë të hapur apo në serra (makinë për mbjellje të fidanëve, makinë për shtrirje të folisë, etj.)

Investimet në sektorin e mishit

- Ndërtimi / rinovimi / zgjerimi i stallave, objekteve përcjellëse (deponitë e plehut, hangarët e ushqimit voluminoz, depot e silazhit) dhe infrastrukturës në fermë (p.sh. furnizim me ujë në nivel ferme);
- Investimet në pajisje për rritje të zogjve njëditor (pajisje për ngrohje, për ushqim, për furnizim me ujë, etj.);
- Investimet në prodhim të energjisë eficiente në fermë nga burimet e ripërtërishme;
- Investimet në modernizimin e sistemit të ushqimit dhe furnizimit me ujë;
- Investimet në makineri bujqësore dhe pajisje për kultivim të bimëve foragjere dhe drithërave, mbrojtje të bimëve, plehërim dhe korrije;
- Investimet për pastrimin / largimin e plehut organik (të lëngët dhe të ngurtë) dhe deponimin e tij;
- Investimet për prodhimin e ushqimit të koncentruar, nga kapaciteti total i të cilit, së paku 50% do të përdoret për nevoja të fermës;

Investimet në sektorin e qumështit

- Ndërtimi / rinovimi / zgjerimi i stallave, objekteve përcjellëse (deponitë e plehut, hangarët e ushqimit voluminoz, depot e silazhit, mjeltore) dhe infrastrukturës në fermë (p.sh. furnizim me ujë në nivel ferme);
- Investimet në modernizimin e mjeljes dhe pajisjeve për ftohje, si pajisjet për mjelje, ruajtje të qumështit, përfshirë dhomat e ruajtjes së qumështit, laktofrizat, etj;
- Investimet në prodhim të energjisë eficiente në fermë nga burimet e ripërtërishme;
- Investimet në modernizimin e sistemit të ushqimit dhe furnizimit me ujë;

- Investimet në makineri bujqësore dhe pajisje për kultivim të bimëve foragjere dhe drithërave, mbrojtje të bimëve, plehërim dhe korrje;
- Investimet për pastrimin / largimin e plehut organik (të lëngët dhe të ngurtë) dhe deponimin e tij;
- Investimet për prodhimin e ushqimit të koncentruar, nga kapaciteti total i të cilit, së paku 50% do të përdoret për nevoja të fermës.

Investimet në sektorin e rrushit

- Investimet në ngritjen / modernizimin e plantacioneve të vreshtave (konvertim, zëvendësim) për rrush të tryezës dhe rrush të verës me madhësi minimale 0.3 hektar për rrush të tryezës dhe 0.6 hektar për rrush të verës;
- Investimet në vendosjen e sistemeve të ujitjes, sipas praktikave efikase të ujitjes;
- Investimet në vendosjen e plasmasit për rrush të tryezës;
- Investimet në prodhim të energjisë eficiente në fermë nga burimet e ripërtërishme;
- Investimet në vendosjen e rretave për mbrojtje nga breshëri;
- Investimet në sisteme mbajtëse të hardhive dhe në rrethoja;
- Investimet në makineri bujqësore dhe pajisje për vreshta, makineri për mbrojtje të bimëve, për plehërim, për vjelje dhe trajtim pas vjeljes;
- Atyre që kanë mbi 3 hektarë sipërfaqe me vreshta u lejohet edhe aplikimi për ndërtimin e objekteve për veprimet pas vjeljes, si depo ftohëse, makineri për klasifikim, pastrim, paketim, objekte për mbajtje të makinerisë bujqësore dhe pajisjeve, si dhe ndërtimi i depove për produkte për mbrojtje të bimëve dhe për plehra artificiale;

Investimet në sektorin e vezëve

- Ndërtimi / rinovimi / zgjerimi i stallave;
- Investimet në infrastrukturë të brendshme (sistemi i të ushqyerit, ujë-pirëset dhe pajisje për rregullimin e mikroklimës, pajisje për largimin e plehut, klasifikim të vezëve, etj.);
- Investimet në kafaze, vetëm sipas standardeve të BE-së;
- Ndërtimi dhe renovimi i depove për ruajtjen e ushqimit, përfshirë pajisjet për përgatitje të ushqimit, manipulim, paketim dhe ruajtje të vezëve;
- Investimet në pajisje eficiente për energji ose prodhim të energjisë në fermë nga burimet e ripërtërishme;
- Investimet për pastrimin/largimin e plehut organik dhe deponimin e tij.
- Investimet për prodhimin e ushqimit të koncentruar, nga kapaciteti total i të cilit, së paku 50% do të përdoret për nevoja të fermës;

M.K.

9. KRITERET E PËRZGJEDHJES PËR NËNSEKTORË

Tabela 1: Kriteret e përzgjedhjes për sektorin e pemëve

Nr	Lloji i kriterëve	Kriteri / Kategoria	Pikët	
1	Kapaciteti prodhues: sipërfaqja që do të ngritet. Në rast të investimit në infrastrukturë të pemishtes, depo, ujitje, mbrojtje kundër breshërit dhe / ose makineri, pikët llogariten varësisht prej sipërfaqes ekzistuese apo asaj që do të ngritet, cilado qoftë më e madhe.	Pemë manore	Pemë drufrutore	
		≥ 2 ha	≥ 5 ha	50
		≥ 1 ha - <2 ha	≥ 3 ha - <5 ha	45
		≥ 0,50 ha - <1ha	≥ 1 ha - <3 ha	40
2	Cilësia e materialit fidanor	Investimi në fidanë të prodhuar dhe të certifikuar në një shtet anëtar të Bashkimit Evropian.	5	
3	Marrëdhëniet kontraktuese	Kontrata për dorëzim të së paku 50% të prodhimit (<i>nuk u kërkohet aplikuesve për ngritje të pemishteve të reja, nëse nuk kanë pemishte ekzistuese, ata i marrin 5 pikë nga ky kriter</i>)	5	
4	Mbrojtja e mjedisit dhe ndryshimi klimatik	Investimi në prodhimin e energjisë në fermë nga burimet e ripërtërishme (<i>min. 5% e investimit të pranueshëm</i>)	5	
5	Pronësia mbi tokën ku bëhet investimi	Toka në emër të aplikuesit	5	
6	Punësimi	Aplikuesi do të krijojë vende të reja të punës: - për 1 vend pune = 3 pikë - për 2 - 3 vende pune = 7 pikë - për 4 ose më shumë vende pune = 10 pikë	Max. 10	
7	Vendi i investimit	Investimi në viset malore	5	
8	Përkrahje për herë të parë	Aplikuesi / ferma nuk ka qenë përfitues i granteve të MBPZHR-së, në tri vitet e fundit.	10	
9	Arsimimi	Diplomë universitare në bujqësi / teknologji të ushqimit	3	
10	Gjinia e fermerit	Aplikuesi femër	2	
GJITHSEJ			100	

Tabela 2: Kriteret e përzgjedhjes për sektorin e perimeve dhe serrave (përfshirë patatet)

Nr	Lloji i kriterëve	Kriteri / Kategoria	Pikët
1	Lloji i investimit	Ndërtimi i serrave me infrastrukturë complete	55
		Ndërtimi i depos për trajtim pas vjeljes	55
2	Marrëdhëniet kontraktuese	Kontrata për dorëzim të së paku 50% të prodhimit (<i>nuk u kërkohet aplikuesëve për depo - ata i marrin 5 pikë nga ky kriter</i>)	10
3	Mbrojtja e mjedisit dhe ndryshimi klimatik	Investimi në prodhimin e energjisë në fermë nga burimet e ripërtërishme (<i>min. 5% e investimit të pranueshëm</i>)	5
4	Punësimi	Aplikuesi do të krijojë vende të reja të punës: <ul style="list-style-type: none"> - për 1 vend pune = 3 pikë - për 2 - 3 vende pune = 7 pikë - për 4 ose më shumë vende pune = 10 pikë 	Max. 10
5	Pronësia mbi tokën ku bëhet investimi	Toka në emër të aplikuesit	5
6	Përkrahje për herë të parë	Aplikuesi / ferma nuk ka qenë përfitues i granteve të MBPZHR-së në tri vitet e fundit	10
7	Arsimimi	Diplomë përkatëse universitare në bujqësi / teknologji të ushqimit	3
8	Gjinia e fermerit	Aplikuesi femër	2
GJITHSEJ			100

Tabela 3: Kriteret e përzgjedhjes për sektorin e mishit

Nr	Lloji i kriterëve	Kriteri / Kategoria	Pikët
1	Lloji i investimit: Në rast të investimit edhe nga pika a) edhe nga pika b), pikët llogariten nga investimi me pjesën më të madhe të mjeteve (maksimum 30 pikë)	a) Ndërtimi / rinovimi / zgjerimi i stallës (gropa septike është e detyrueshme)	30
		b) Makineri dhe / ose përmirësimi i infrastrukturës së jashtme (depo e plehut, depo e silazhit, depo e sanës)	25

Handwritten signature or mark

2	Kapaciteti prodhues (numri i kafshëve) pas realizimit të projektit	Viça	Brojlerë (zogj)	
		≥ 20 < 70 krerë	≥ 5,000 < 12,000 krerë	20
		≥ 70 krerë	≥ 12,000 krerë	15
3	Marrëdhënie kontraktuese	Kontrata për dorëzim të së paku 50% të prodhimit		10
4	Mbrojtja e mjedisit dhe ndryshimi klimatik	Investimi në prodhimin e energjisë në fermë nga burimet e ripërtërishme (<i>min. 5% e investimit të pranueshëm</i>)		5
6	Punësimi	Aplikuesi do të krijojë vende të reja të punës: - për 1 vend pune = 3 pikë - për 2 - 3 vende pune = 7 pikë - për 4 ose më shumë vende pune = 10 pikë		Max. 10
7	Vendi i investimit	Investimi në viset malore		5
8	Përkrahje për herë të parë	Aplikuesi / ferma nuk ka qenë përfitues i granteve të MBPZHR-së në tri vitet e fundit		10
9	Pronësia mbi tokën ku bëhet investimi	Toka në emër të aplikuesit		5
10	Arsimimi	Diplomë universitare në bujqësi / veterinar / teknologji të ushqimit		3
11	Gjinia e fermerit	Aplikuesi femër		2
GJITHSEJ				100

Tabela 4: Kriteret e përzgjedhjes për sektorin e qumështit

Nr	Lloji i kriterëve	Kriteri/Kategoria	Pikët
1	Lloji i investimit: Në rast të investimit edhe nga pika a) edhe nga pika b), pikët llogarite nga	a) Ndërtimi / rinovimi / zgjerimi i stallës	35
		b) Makineri dhe / ose përmirësimi i infrastrukturës së brendshme dhe të jashtme (depo e plehut, depo e	30

	investimi me pjesën më të madhe të mjeteve (maksimum 35 pikë)	silazhit, depo e sanës)		
2	Kapaciteti prodhues: numri i kafshëve në prodhimtari aktive para aplikimit	Lopë qumështore	Dele / Dhi qumështore	
		≥ 10 < 30krerë	≥ 100 < 300 krerë	15
		≥ 30krerë	≥ 300 krerë	10
3	Marrëdhënie kontraktuese	Kontrata për dorëzim të së paku 50% të prodhimit		10
4	Mbrojtja e mjedisit dhe ndryshimi klimatik	Investimi në prodhimin e energjisë në fermë nga burimet e ripërtërishme (min. 5% e investimit të pranueshëm)		5
5	Punësimi	Aplikuesi do të krijojë vende të reja të punës: - për 1 vend pune = 3 pikë - për 2-3 vende pune = 7 pikë - për 4 ose më shumë vende pune = 10 pikë		Max. 10
6	Vendi i investimit	Investimi në viset malore		5
7	Pronësia mbi tokën ku bëhet investimi	Toka në emër të aplikuesit		5
8	Përkrahje për herë të parë	Aplikuesi / ferma nuk ka qenë përfitues i granteve të MBPZHR-së në tri vitet e fundit		10
9	Arsimimi	Diplomë përkatëse universitare në bujqësi / veterinari / teknologji të ushqimit		3
10	Gjinia e fermerit	Aplikuesi femër		2
GJITHSEJ				100

Tabela 5: Kriteret e përzgjedhjes për sektorin e rrushit

Nr	Lloji i kriterëve	Kriteri/Kategoria		Pikët
1.	Kapaciteti prodhues: sipërfaqja që do të ngritet. Në rast të investimit për	Rrush për tryezë	Rrush për verë	
		≥ 3 ha	≥ 3 ha	50

M.V.

	depo dhe / ose makineri, pikët llogariten varësisht prej sipërfaqes ekzistuese apo asaj që do të ngritet, cilado qoftë më e madhe.	≥ 1 ha - < 3 ha	≥ 2 ha - < 3 ha	45
		≥ 0.30 ha - < 1 ha	≥ 0.60 ha - < 2 ha	40
2	Marrëdhënie kontraktuese	Kontrata për dorëzim të së paku 50% të prodhimit (nuk u kërkohet aplikuesve për ngritje të vreshtave të reja, nëse nuk kanë vreshta ekzistuese, ata i marrin 5 pikë nga ky kriter)		10
3	Mbrojtja e mjedisit dhe ndryshimi klimatik	Investimi në prodhimin e energjisë në fermë nga burimet e ripërtërishme (min. 5% investimit të pranueshëm)		5
4	Pronësia mbi tokën ku bëhet investimi	Toka në emër të aplikuesit		5
5	Punësimi*	Aplikuesi do të krijojë vende të reja të punës: - për 1 vend pune = 3 pikë - për 2-3 vende pune = 7 pikë - për 4 ose më shumë vende pune = 10 pikë		Max. 10
6	Vendi i investimit	Komuna: Rahovec, Suharekë, Prizren, Gjakovë, Malishevë		5
7	Përkrahje për herë të parë	Aplikuesi / ferma nuk ka qenë përfitues i granteve të MBPZHR-së në tri vitet e fundit		10
8	Arsimimi	Diplomë përkatëse universitare në bujqësi/teknologji të ushqimit		3
9	Gjinia e fermerit	Aplikuesi femër		2
GJITHSEJ				100

Tabela 6: Kriteret e përzgjedhjes për sektorin e vezëve

Nr	Lloji i kriterëve	Kriteri/Kategoria	Pikët
1	Lloji i investimit: Në rast të investimit të	a) Ndërtimi / rinovimi / zgjerimi i stallëes	20

M.K.

	kombinuar në dy e më shumë pika, pikët llogariten nga investimi me pjesën më të madhe të mjeteve (maksimum 20 pikë)	b) Përmirësimi i infrastrukturës së brendshme të fermës; ndërtimi i depove për ushqim; trajtimi i plehut organik	15
		c) Makineri dhe pajisje bujqësore	10
2	Kapaciteti prodhues: numri i pulave vojse në prodhimtari aktive para aplikimit	≥ 5,000 - < 25,000 pula vojse	15
		≥ 25,000	10
3	Mënyra e mbajtjes së pulave	Pa kafaz, në natyrë	15
		Pa kafaz, në dysheme	10
		Në kafaz, sipas standardeve të BE-së	5
4	Marrëdhënie kontraktuese	Kontrata për dorëzim të së paku 50% të prodhimit të fermës	10
5	Mbrojtja e mjedisit dhe ndryshimi klimatik	Investimi në prodhimin e energjisë në fermë nga burimet e ripërtërishme (min. 10% e investimit të pranueshëm)	10
6	Punësimi	Aplikuesi do të krijojë vende të reja të punës: - për 1 vend pune = 3 pikë - për 2-3 vende pune = 7 pikë - për 4 ose më shumë vende pune = 10 pikë	Max. 10
7	Përkrahje për herë të parë	Aplikuesi / ferma nuk ka qenë përfitues i granteve të MBPZHR-së në tri vitet e fundit	10
8	Pronësia mbi tokën ku bëhet investimi	Toka në emër të aplikuesit	5
9	Arsimimi	Diplomë përkatëse universitare në bujqësi / veterinari / teknologji të ushqimit	3
10	Gjinia e fermerit	Aplikuesi femër	2
GJITHSEJ			100

Vërejtje për të gjitha nënmasat: Në rastet kur aplikuesit kanë numër të njëjtë të pikëve, përparësi kanë projektet e dorëzuara më herët.

10. SHKALLA E PËRKRAHJES PUBLIKE

- Vlera minimale e shpenzimeve të pranueshme për projekt brenda kësaj mase është 10,000 €, përveç projekteve për pemë manore dhe projekteve të sektorit të rrushit, ku vlera minimale e projektit është 5,000 €.

- Vlera maksimale e shpenzimeve të pranueshme për projekt brenda kësaj mase është 100,000 €, përveç projekteve të sektorit të perimeve dhe serrave (përfshirë patatet), ku vlera maksimale e shpenzimeve të pranueshme llogaritet si në vijim:
 - o Serra ≥ 0.10 ha - < 0.20 ha = 50,000 €
 - o Serra ≥ 0.20 ha - < 0.40 ha = 80,000 €
 - o Serra ≥ 0.40 ha = 100,000 €
- Përkrahja publike është 60% e shpenzimeve të pranueshme të investimit.
- Përkrahje shtesë prej 5% jepet për investime në zonat malore dhe 5% për fermerë të rinj (40 vjeç ose më të rinj).

11. BUXHETI

Tabela 7: Ndarja e planifikuar buxhetore, sipas nënmasave:

Sektorët		Vlera në €	% e buxhetit
101.1 Pemët	Për pemë drufrutore	2,500,000	17,24
	Për pemë manore	2,500,000	17,24
101.2 Perimet	Serra	3,000,000	20,70
	Depo për ruajtje të perimeve	1,200,000	8,28
101.3 Mishi	Trashja (majmëria) e viçave	1,600,000	11,03
	Rritja e brojlerëve (zogjve)	500,000	3,45
101.4 Qumështi	Prodhimi i qumështit nga lopët,	1,600,000	11,03
	Prodhimi i qumështit nga delet dhe nga dhitë	500,000	3,45
101.5	Sektori i rrushit	800,000	5,52
101.6	Sektori i vezëve	300,000	2,07
Gjithsej:		14,500,000	100

12. INDIKATORËT E PROGRAMIT

Tabela 8: Treguesit e monitorimit

Lloji i treguesit	Treguesi	Caku për 2016		
Inputi	Gjithsej:	14,500,000		
	101.1. Sektori i pemëve	5,000,000		
	101.2. Sektori i perimeve dhe serrave (përfshirë patatet)	4,200,000		
	101.3. Sektori i mishit	2,100,000		
	101.4. Sektori i qumështit	2,100,000		
	101.5. Sektori i rrushit	800,000		
	101.6. Sektori i vezëve	300,000		
Outputi	Numri i përgjithshëm i fermave të përkrahura	466		
	Prej të cilave	101.1. Sektori i pemëve	149	
		101.2. Sektori i perimeve dhe serrave	122	
		101.3. Sektori i mishit	65	
		101.4. Sektori i qumështit	64	
		101.5. Sektori i rrushit	62	
		101.6. Sektori i vezëve	5	
	Vlera e investimeve (€)	21,532,500		
	Prej të cilave	101.1. Sektori i pemëve	7,425,000.00	
		101.2. Sektori i perimeve dhe serrave përfshirë patatet	6,237,000.00	
		101.3. Sektori i mishit	3,118,500.00	
		101.4. Sektori i qumështit	3,118,500.00	
		101.5. Sektori i rrushit	1,188,000	
		101.6. Sektori i vezëve	445,500	
	Rezultati	Numri i përgjithshëm i fermave me kapacitet të zgjeruar	373	
		Numri i përgjithshëm i fermave të modernizuara që kanë aplikuar pajisje dhe/ose teknologji të re	419	
Rritja e madhësisë së fermave të përkrahura		Nr. i hektarëve të shtuar me pemë drufrutore	148	
		Numri i hektarëve të shtuar me pemë të imëta	140	
		Numri i m ² me serra të reja	237,566	
		Numri i hektarëve të shtuar me rrush		
		Numri i kafshëve të shtuara	Lopë qumështore	329
			Pula vojse	26,471

A.K.

		Brojler (pula/zogj)	66,177
		Gjedhe për majmeri	754
		Depo të reja të pemëve dhe perimeve (ton / vit)	3530
		Numri i fermave që kanë investuar në aktivitetet pas vjeljes (paketim, klasifikim, etiketim, etj.)	82
		Numri i fermave që kanë ndërtuar depot e plehut	24
		Numri i fermave që prodhojnë energji të ripërtërishme	424
Ndikimi		Të hyra shtesë (€ / vit)	12,410,010
		Vende të reja të punës me orar të plotë	1292
		Rritja e produktivitetit të punës, si rritje (në %) e të hyrave shtesë, bruto për çdo vend pune, në fermat e përkrahura	15%

13. PROCEDURA ADMINISTRATIVE

Kjo masë do të zbatohet nga Agjencia për Zhvillimin e Bujqësisë (AZHB). Procedurat administrative të detajuara do të paraqiten në Udhëzimin Administrativ i cili miratohet nga Ministri i Bujqësisë, Pylltarisë dhe Zhvillimit Rural.

14. AFATI I ZBATIMIT

Afati i implementimit të projekteve të kësaj mase është 120 ditë nga dita e nënshkrimit të kontratës me AZHB-në, përveç për sektorin e rrushit, për projektet e të cilit afati i implementimit është 300 ditë nga dita e nënshkrimit të kontratës me AZHB-në, për shkak të periudhës pranverore të mbjelljes së rrushit. Pas periudhës prej 120 ditëve, respektivisht 300 ditëve, përfituesi ka edhe 15 ditë shtesë për përgatitjen e dokumentacionit dhe paraqitjen e kërkesës për pagesë. AZHB mund të zgjasë afatin e implementimit për më së shumti 30 ditë, nëse ka arsye të forta për këtë, siç është respektimi i periudhave vegetative të bimët (p.sh periudha e mbjelljes së pemëve drufrutore), sjellja e ndonjë makinerie specifike prej ndonjë vendi të huaj, etj.

15. SHTRIRJA GJEOGRAFIKE E MASËS

Kjo masë aplikohet në tërë territorin e Republikës së Kosovës.

MASA 103: INVESTIMET NË ASETET FIZIKE NË PËRPUNIMIN DHE TREGTIMIN E PRODHIMEVE BUJQËSORE

1. BAZA LIGJORE

Ligji Nr. 03/L-098 - Për Bujqësi dhe Zhvillim Rural, dt. 1 korrik 2009;

Ligji Nr. 04/L-090 - Për ndryshimin dhe plotësimin e Ligjit Nr. 03/L-098 për Bujqësinë dhe Zhvillimit Rural, dt. 16 tetor, 2012;

Ligji Nr. 03/L-016 - Për Ushqim, dt. 6 mars 2009;

Ligji Nr. 03/L-029 - Për Inspeksionin Bujqësor, dt. 13 dhjetor 2008;

Ligji Nr. 02/L-26 - Për Tokën Bujqësore, dt. 23 qershor 2006;

Ligji Nr. 2005/47 - Për Verërat, dt. 14 tetor 2005;

Ligji Nr. 04/L-191 - Për Blegtorinë, dt. 28 qershor 2013;

Ligji Nr. 02/L-10 për Përkujdesjen ndaj Kafshëve, dt. 23 Mars, 2005 dhe Rregullore Nr. 2005/24 mbi shpalljen e Ligjit për mirëqenien e kafshëve (UNMIK/REG/2005/24, 9 maj 2005);

Ligji Nr. 03/L-024 - Për Vlerësimin e Ndikimit në Mjedis, dt. 19 mars 2009;

Ligji Nr. 03-L-025 - Për Mbrojtjen e Mjedisit, dt. 19 mars 2009;

Ligji Nr. 04/L-074 - Për Shërbimet Këshilluese për Bujqësi dhe Zhvillim Rural, dt. 19 mars 2012;

2. ARSYESHMËRIA

Përkrahja për këtë masë është e përqendruar kryesisht në investime në asetet fizike, me qëllim të rritjes së konkurrueshmërisë në sektorin agro-ushqimor, të ndikojë në zëvendësimin e importit të ushqimit me prodhime vendore me cilësi të lartë dhe një produktivitet të përmirësuar.

Kjo masë do t'i përkrahë investimet në industrinë e përpunimit të ushqimit në katër nënsektorët vijues: përpunim të qumështit dhe prodhimeve të qumështit, përpunim të mishit dhe prodhimeve të mishit, përpunim të frutave dhe perimeve si dhe prodhim të verës. Kjo masë është projektuar për ta plotësuar Masën 101, me synim të rritjes së furnizimit me produkte bujqësore të sigurta dhe pa ndikime negative në mjedis.

Për të konkurruar me sukses në një treg gjithnjë e më të hapur, industria ushqimore ka akoma nevojë për modernizimin e teknologjive dhe përmirësimin e sistemeve të menaxhimit të sigurisë. Industria ushqimore ka për detyrë të krijojë grumbullim të sigurt, transportim dhe deponim të lëndëve të para, zvogëlim të mbeturinave dhe të garantoj sigurinë e ushqimit.

Nën këtë masë, përparësi u jepet investimeve për implementimin e standardeve të sigurisë së ushqimit që kanë rëndësi të veçantë për furnizimin e tregut vendor me prodhime të sigurta ushqimore dhe për konkurrim të suksesshëm me furnizuesit nga importi. Për të inkurajuar

adaptimin e industrisë ushqimore me standardet mjedisore, prioritet u është dhënë investimeve që synojnë trajtimin e mbeturinave, pastrimin e ujit dhe shfrytëzimin efikas të mbetjeve të prodhimit. Investimet e mbështetura në Masën 103 do të kontribuojnë në përmirësimin e situatës së prodhimit bujqësor primar, duke u dhënë përparësi përfituesve që sigurojnë një përqindje të lartë të lëndëve të para me anë të kontratave me fermerët vendorë.

SEKTORI I PËRPUNIMIT TË QUMËSHTIT

Industria e përpunimit të qumështit është një nga sektorët kryesorë të industrisë ushqimore në Kosovë dhe vazhdon të jetë ndër sektorët më të mbështetur. Industria e përpunimit të qumështit ka qenë prioritet kryesor në skemat mbështetëse kombëtare dhe në grantet e BE-së përgjatë viteve të fundit. Megjithatë, mbështetja e dhënë ende nuk i ka plotësuar nevojat për mbulim të investimeve të ndërmarrjeve të përpunimit të qumështit në aspektin e përafrimit me standardet e BE-së në fushat e sigurisë ushqimore, mbrojtjen e mjedisit dhe zhvillimin e investimeve të energjisë së ripërtërishme. Përveç kësaj, sektori i qumështit ka nevojë për investime të konsiderueshme për modernizimin e teknologjive të aplikuara, për ta rritur produktivitetin dhe për t'i ndjekur kërkesat në ndryshim të konsumit. Zinxhirët e mbyllur të ftohjes nga prodhuesi e deri te konsumatori, qendrat grumbulluese të qumështit dhe mjetet e transportit të qumështit me sisteme të ftohjes ende duhen mbështetur.

Industria e përpunimit të qumështit i ka përqëndruar përpjekjet e saj në një gamë të kufizuar të produkteve, kryesisht qumështin dhe produktet e freskëta të qumështit, duke i kushtuar më pak vëmendje djathit, i cili kërkon më shumë njohuri dhe ka një qarkullim të ngadaltë. Disa ndërmarrje të vogla të qumështit kanë futur produkte të reja, të tilla si djath nga qumështi i lopëve, i dhive, i deleve, i buallicave, ajkë e fermentuar, etj.

Janë 43 ndërmarrje³ që merren me përpunimin dhe paketimin e qumështit, të cilat janë të licencuara me kapacitete të ndryshme të instaluar për përpunim dhe të cilat mund të përfitojnë nga kjo masë.

Në këtë grup bëjnë pjesë ndërmarrje të cilat kanë një linjë të plotë të përpunimit të qumështit dhe produkteve të qumështit me një nivel të cilësisë së përafërt me standardet e Bashkimit Evropian (të klasifikuar në kategorinë "A" në aspektin e përputhshmërisë me standardet). Këto ndërmarrje kanë nevojë për investime të mëtejshme teknologjike për ta përmirësuar dhe zgjeruar rrjetin e tyre të furnizimit me lëndë të parë të qumështit, që në mënyrë efikase ta përdorin kapacitetin e prodhimit, për ta forcuar aftësinë e tyre konkurruese dhe për t'i përmirësuar praktikën e menaxhimit të mbeturinave. Këto ndërmarrje i shfrytëzojnë kapacitetet e tyre prodhuese vetëm pjesërisht. Njësitë më të vogla të përpunimit të qumështit përdorin

³ Lista e objekteve të aprovuara për përpunim dhe paketim të qumështit AUV, shtator 2015

tashmë një pjesë të mirë të kapacitetit të instaluar të tyre. Disa prej ndërmarrjeve janë duke përdorur mbi 50% të kapacitetit të tyre prodhues. Përmes granteve të BE-së dhe projekteve të mbështetura nga donatorët, disa prej tyre u ndihmuan për të zhvilluar aftësitë dhe strategjitë e marketingut, për të promovuar produkte të reja dhe për ta përmirësuar sigurinë ushqimore. Ato kanë nevojë për mbështetje të mëtejme në linjat e prodhimit, me qëllim të diversifikimit të prodhimeve, rritjes së produktivitetit, zgjerimit dhe për të përmirësuar cilësinë dhe standardet e sigurisë së ushqimit.

Bazuar në shkallën e rrezikshmerisë së cilësisë së ushqimit të këtyre ndërmarrjeve të regjistruara nga ana e AUV-it, për vitin 2015 rezulton se në kategorinë "A" janë sistemuar 3 ndërmarrje përpunuese, në kategorinë "B" 14, në kategorinë "C" 24 dhe në kategorinë "D", e cila tregon shkallën më të lartë të rrezikut janë sistemuar vetëm 2 ndërmarrje.

SEKTORI I PËRPUNIMIT TË MISHIT

Thertoret

Në Kosovë ekzistojnë 51 thertore⁴, prej tyre 6 thertore shërbejnë për therjen e shpezëve dhe 45 të tjera për therjen e kafshëve të kategorive të tjera, që janë të regjistruara në AUV dhe janë operacionale. Nga këto ndërmarrje, 2 janë regjistruar me kategorinë "A" (me nivel të ultë të rrezikut), 19 në kategorinë "B", 15 në kategorinë "C" dhe 9 në kategorinë "D" (me nivel të lartë të rrezikut), ndërkaq në kategorizimin e thertoreve të licencuara për shpezë janë regjistruar 4 thertore të jenë në kategorinë "B" dhe 2 në kategorinë "C". Përpunuesit e mishit kanë kapacitete të mëdha të pashfrytëzuara si rezultat i prodhimit të pamjaftueshëm të mishit.

Vetëm dy ndërmarrje janë të regjistruara për therjen e ripërthypësve të vegjël që është e pamjaftueshme për t'i mbuluar nevojat, veçanërisht në zonat e thella rurale. Shumica e thertoreve ekzistuese janë pjesë e bizneseve më komplekse (p.sh. përpunimit të mishit të gjedheve, përpunimit të mishit të shpezëve, etj). Thertoret janë ndotës të mëdhenj të mjedisit si nga mbetjet e lëngshme po ashtu edhe nga mbeturinat e ngurta si rezultat i therjeve, prandaj mbështetet mbrojtja e mjedisit, trajtimi i mbetjeve dhe ujit. Shumë prej ndërmarrjeve kanë marrë mbështetje për investime edhe nga skemat e granteve të BE-së dhe donatorëve të tjerë, por ka nevojë të madhe për mbështetjen e investimeve të mëtejshme për përmirësimin e standardeve të sigurisë së ushqimit dhe të kontrollit të cilësisë. Diversifikimi i prodhimeve (klasifikimi i mishit dhe produkteve të gatshme sipas kërkesave të konsumatorëve dhe hotelierisë, etj.), mund ta rrisë vlerën e prodhimeve.

⁴ Lista e objekteve të aprovuara për therrjen e kafshëve AUV, shtator 2015

Kjo masë do t'i mbështesë thertoret ekzistuese, por jo ngritjen e thertoreve të reja. Ndërtimi i objekteve të reja do të mbështetet vetëm nëse bëhet zëvendësimi i objekteve të vjetra me të reja.

Ndërmarrjet për përpunim të mishit

Industria e përpunimit të mishit në Kosovë është rritur ndjeshëm në vitet e fundit, por ende karakterizohet nga një numër i kufizuar i produkteve të ofruara. Aktualisht në Kosovë janë të regjistruara dhe të licencuara 51 ndërmarrje⁵ për përpunimin e mishit, të cilat ndahen në tri kategori: 5 ndërmarrje me kapacitete të përpunimit të deklaruar prej 20 ton /ditë ose më shumë, 1 ndërmarrje me kapacitete të përpunimit të deklaruar prej më shumë se 5 dhe më pak se 20 tonë/ditë dhe 45 ndërmarrje me kapacitete të përpunimit të deklaruar prej 5 tonë/ditë ose më pak, me nivele të ndryshme të përputhshmërisë për sa i përket kërkesave të sigurisë dhe cilësisë. Nga 51 ndërmarrje të përpunimit të mishit, 6 prej tyre janë klasifikuar në kategorinë "A", 16 në kategorinë "B", 27 në kategorinë "C" dhe 2 në kategorinë "D". Kjo masë do t'i mbështesë ndërmarrjet ekzistuese të përpunimit për të rritur sigurinë e ushqimit, për të mbrojtur mjedisin (p.sh. asgjësimin e mbeturinave dhe trajtimin e ujit), për të zbatuar kërkesat e kontrollit të cilësisë, për të zgjeruar llojllojshmërinë e produkteve, futjen e teknologjive të reja të prodhimit dhe të produkteve të reja, si dhe për të investuar në projekte për prodhimin e energjisë së ripërtërishme.

SEKTORI I PËRPUNIMIT TË PEMËVE DHE PERIMEVE

Pemëtaria konsiderohet si sektor me prioritet të lartë, edhe pse ende karakterizohet me import të lartë për të mbuluar kërkesën vendore. Megjithatë, trendi i fundit tregon që sektori i pemëve po zhvillohet shpejtë. Qëllimi është që të zëvendësohet importi i lartë i pemëve dhe prodhimeve të pemëve me prodhim vendor. Zinxhirit të vlerave të prodhimit dhe përpunimit të pemëve i mungojnë standardet e cilësisë dhe si pasojë e kësaj mungon homogjeniteti i prodhimeve pasi që prodhimet në masë të madhe nuk klasifikohen dhe sortohen sipas klasave të cilësisë. Kjo gjithashtu ndikon që shitësit me shumicë të blejnë prodhime të importuara.

Viteve të fundit, prodhimi i pemëve ka pasur një rritje si rezultat i shtimit të sipërfaqes dhe rendimenteve. Kosova vazhdon të importojë një sasi të konsiderueshme të pemëve të freskëta, pemëve të thara dhe të përpunuara (kryesisht në formë të konservave dhe lëngjeve). Sektori i përpunimit të pemëve kryesisht është i fokusuar në përpunimin e pemëve drufrutore dhe pemëve manore, pa përjashtuar frutat malore, të cilat rëndom grumbullohen bashkë me bimë të ndryshme aromatike / mjekuese dhe kërpudha.

⁵ Lista e objekteve të aprovuara për përpunimin e mishit AUV, shtator 2015

Kosova ka një traditë të gjatë në përpunimin e perimeve, si një pjesë integrale e zinxhirit të ushqimit të çdo familjeje. Është vlerësuar se një sasi e konsiderueshme e perimeve të përpunuara janë duke u prodhuar në shtëpi dhe për konsum vetanak. Kapaciteti i përpunimit në Kosovë, së paku në aspektin e kapaciteteve përpunuese, në masë të madhe e kalon kapacitetin e prodhimit. Edhe pse sektori është i fragmentuar në përgjithësi, disa nga pjesëmarrësit kryesorë mbulojnë një pjesë të konsiderueshme të tregut.

Në vitet e fundit, përpunuesit e pemëve dhe perimeve kanë filluar të prodhojnë produkte të tilla si reçel frutash, sallata të ndryshme, turshi, lëngje, perime të konservuara, marmelatë, ajvar, etj. Kapaciteti i tharjes është i kufizuar, ndërsa ky sistem është duke u përdorur kryesisht për bimët mjekësore dhe ato aromatike. Qëllimi kryesor i kësaj mase është që të gjitha ndërmarrjet e përpunimit të pemëve dhe perimeve të fokusohen në përmirësimin e cilësisë dhe sigurisë së ushqimit dhe në reduktimin e humbjeve në procesin e përpunimit.

Sistemet e sigurisë ushqimore aplikohen në një numër të kufizuar të ndërmarrjeve. Përfshirja e sistemeve të sigurisë ushqimore kërkon investime në përmirësimin e teknologjisë dhe përmirësimin e kushteve në objektet e prodhimit, si dhe investime në pajisje të kontrollit të kualitetit dhe sisteme të IT-së. Rritja e kapacitetit të deponimit është e nevojshme për përmirësimin e tregut të prodhimeve të hortikulturës dhe patates. Është evidente nevoja për linja të klasifikimit, kategorizimit dhe paketimit, për ta rritur cilësinë e produktit përfundimtar dhe për ta përmirësuar konkurrueshmërinë e sektorit ndaj importeve. Objektet e duhura të pasvjeljes dhe zinxhiri për ftohje janë të një rëndësie të madhe për cilësinë në zinxhirin e vlerës së perimeve. Kërkesat dhe nevojat për objekte të deponimit me sisteme të ftohjes janë në rritje, por ende tejet të kufizuara dhe të përqendruara në disa fusha dhe niveli i arritjes së standardeve të cilësisë ka nevojë për përmirësim. Prandaj, kjo masë mbështet edhe përmirësimin dhe trajtimin e pas vjeljes dhe ruajtjen e lëndës së parë.

SEKTORI I PRODHIMIT TË VERËS

MBPZHR ka licencuar 22 kompani prodhuese të verës dhe të prodhimeve të tjera nga rrushi dhe vera. Tri veraritë më të mëdha përfaqësojnë përafërsisht 90% të kapacitetit të përgjithshëm të prodhimit në këtë sektor, ndërsa veraritë tjera u takojnë prodhuesve të vegjël, disa prej tyre me potencial të mirë për eksport. Po ashtu, ekzistojnë edhe prodhuesit shtëpiakë të verës dhe pijeve të forta alkoolike, të cilët në mungesë të mundësive materiale për pajisje, tanqe, infrastrukturë dhe kushte higjienike-sanitare nuk janë të licencuar nga MBPZHR.

Nësektori i verës ka nevojë për mbështetje, me qëllim të përmirësimit në zbatimin e praktikave më të mira teknologjike. Orientimi aktual i kompanive është tregu i Bashkimit Evropian, i cili është sfidues dhe kërkon ngritjen e cilësisë së verës së prodhuar. Në eksportin e tanishëm

mbizotëron tregtimi "refuz" i verës, gjë që nuk ka krijuar një rentabilitet të lartë për kompanitë prodhuese të verës.

Kjo masë ka për qëllim mbështetjen e kompanive prodhuese të verës dhe prodhimeve të tjera nga rrushi dhe vera, të regjistruara në regjistrin e prodhuesve dhe të licencuara nga MBPZHR.

3. OBJEKTIVAT E PËRGJITHSHME

- Rritja e aftësisë konkurruese të bujqësisë kosovare dhe zëvendësimi i importit, përmes rritjes së produktivitetit dhe futjes së teknologjive dhe produkteve të reja;
- Përkrahja e ndërmarrjeve në sektorët e përzgjedhur, me qëllim të përafrimit me rregullat, standardet, politikat dhe praktikatat e BE-së dhe përmirësimet në mbrojtjen e mjedisit, sigurinë ushqimore dhe cilësinë e produkteve, mirëqenien e kafshëve dhe gjurmueshmërinë e zinxhirit të ushqimit dhe menaxhimin e mbeturinave;
- Përkrahja e zhvillimit ekonomik dhe shoqëror duke synuar rritje të qëndrueshme dhe gjithëpërfshirëse, nëpërmjet zhvillimit të fermave;
- Forcimi i lidhjeve me prodhimin primar.
- Adresimi i sfidave të ndryshimit klimatik përmes shfrytëzimit të energjisë së ripërtërishme.

4. OBJEKTIVAT E VEÇANTA

PËRPUNIMI I QUMËSHTIT

- Implementimi i standardeve kombëtare dhe atyre të BE-së për prodhimet e qumështit (higjiena, siguria ushqimore, mirëqenia e kafshëve, ruajtja e mjedisit, etj.);
- Modernizimi i linjave të përpunimit të qumështit dhe objekteve të tjera përcjellëse;
- Futja e prodhimeve të reja ose diversifikimi i prodhimeve në industrinë e qumështit;
- Përmirësimi i marketingut të qumështit dhe prodhimeve të tij;
- Përmirësimi i menaxhimit të mbetjeve.

PËRPUNIMI I MISHIT

- Implementimi i standardeve kombëtare dhe atyre të BE-së për prodhimet e mishit (higjiena, siguria ushqimore, mirëqenia e kafshëve, ruajtja e mjedisit, etj.);
- Futja e linjave të reja të përpunimit të mishit;
- Futja e prodhimeve të reja ose diversifikimi i prodhimeve në industrinë e mishit;

- Modernizimi i thertoreve duke përfshirë therjet e specializuara (për ripërtypësit e vegjël);
- Përmirësimi i marketingut të mishit dhe produkteve të mishit;
- Përmirësimi i menaxhimit të mbetjeve.

PËRPUNIMI I PEMËVE, PERIMEVE DHE PRODHIMI I VERËS

- Implementimi i standardeve kombëtare dhe atyre të BE-së (higjiena, siguria ushqimore, cilësia, etj.);
- Përmirësimi i teknologjisë së përpunimit, si dhe modernizimi i objekteve të tjera përcjellëse (depot ruajtëse / ftohëse) duke futur pajisje/teknologji të reja;
- Diversifikimi i prodhimeve;
- Përmirësimi i marketingut;
- Përmirësimi i menaxhimit të mbetjeve

5. LIDHJA ME MASAT E TJERA NË PBZHR

Kjo masë ka ndërlidhje me masat e tjera të PBZHR-së, si:

- Masa 101 "Investimet në asetet fizike në ekonominë bujqësore" dhe
- Masa 302 "Diversifikimi i fermave dhe zhvillimi i bizneseve"

Deri më tani një mbështetje e konsiderueshme është ofruar përmes skemave kombëtare dhe granteve të BE-së për industrinë e përpunimit. Zbatimi i kësaj mase do të bashkërendohet me burime të tjera të mbështetjes, duke pasur parasysh kriteret e forta të ndarjes, të cilat do të krijohen gjatë programimit dhe zbatimit të PBZHR-së.

6. PËRFITUESIT PËRFUNDIMTARË

Përfitues mund të jenë ndërmarrjet e përpunimit të qumështit, të mishit, të pemëve dhe të perimeve, si dhe prodhuesit e verës, të regjistruara në Agjencinë për Regjistrimin e Bizneseve të Kosovës, me përvojë së paku dy vite në nënsektorin përkatës. Përfitues mund të jenë edhe ndërmarrjet e përpunimit të bimëve aromatike / mjekuese dhe të kërpudhave, me kusht që së paku 50% e lëndës së parë që e përpunojnë të jenë fruta malore, pemë dhe / apo perime. Në nënsektorin e verës, aplikuesit duhet të jenë të regjistruar në Regjistrin e Prodhuesve të Verës në Kosovë. Përfituesit përfundimtarë duhet të jenë të regjistruar në Regjistrin e Fermës.

7. KRITERET E PËRBASHKËTA TË PRANUESHMËRISË

7.1. LLOJET E NDËRMARRJEVE TË PËRKRAHURA

Mund të përkrahen ndërmarrjet mikro, të vogla dhe të mesme, të përcaktuara në bazë të Ligjit Nr. 03/L-031 për Ndryshimin dhe Plotësimin e Ligjit Nr. 02/L-5 për Mbështetjen e Ndërmarrjeve të Vogla dhe të Mesme. Kategoria e ndërmarrjeve mikro, të vogla dhe të mesme është e përbërë prej ndërmarrjeve që punësojnë më pak se 250 persona dhe që kanë një qarkullim vjetor që nuk i kalon 50 milionë €, dhe /ose bilanc të gjendjes në total që nuk i kalon 43 milionë € dhe duhet të jetë e regjistruar sipas legjislacionit përkatës si ndërmarrje për përpunimin e ushqimit. Te gjithë aplikuesit duhet të jene te regjistruar ne Agjencionin e Regjistrimit te Bizneseve te Kosovës (ARBK), ne sektorin perkates, se paku dy vjet para dates se aplikimit.

7.2. STANDARDET KOMBËTARE

Te gjithë perfituesit e kesaj mase, në fund të investimit duhet të jenë në proces të certifikimit me standardin HACCP dhe / ose standardin ISO 22000. Dëshmia zyrtare e certifikimit të suksesshëm duhet të prezantohet në AZHB jo më vonë se 12 muaj pas përfundimit të projektit.

7.3. QËNDRUESHMËRIA EKONOMIKE E NDËRMARRJES

Të gjithë aplikuesit duhet të paraqesin një plan biznesi, në përputhje me modelin e kërkuar nga Agjencia për Zhvillimin e Bujqësisë. Aplikuesi duhet të demonstrojë në planin e biznesit qëndrueshmërinë ekonomike të ndërmarrjes në fund të realizimit të projektit. Ndërmarrja duhet të demonstrojë se ajo mund t'i kryejë detyrimet dhe borxhet rregullisht, pa vënë në rrezik funksionimin normal të ndërmarrjes. Në rast të ndërtimit / rinovimit / zgjerimit, aplikuesit duhet ta dorëzojnë edhe projektin teknik të planit të ndërtimit / rinovimit / zgjerimit.

Modeli për planin e biznesit dhe udhëzimet për përgatitjen e tij do të jenë pjesë e formularit të aplikimit, të publikuar në faqen e internetit të Agjencisë për Zhvillimin e Bujqësisë dhe do të jetë në dispozicion për të gjithë përfituesit potencialë.

7.4. KRITERET E TJERA TË PRANUESHMËRISË

Në rastin e projekteve të ndërtimit / rinovimit / zgjerimit, aplikuesit me rastin e aplikimit duhet t'i dorëzojnë:

- Kopjet e skicave të objektit dhe një parallogaritje të shpenzimeve të materialit dhe punëve të parapara;
- Kopjen e planit të parcelës ku do të bëhet investimi;
- Fletën poseduese për parcelën ku do të bëhet investimi;
- Pëlqimin nga organi kompetent (Komuna) për leje të ndërtimit, në rastet e projekteve të ndërtimit / zgjerimit, por jo në rastet e projekteve të rinovimit.

Ndërsa, para kërkesës për pagesë në Agjencinë për Zhvillimin e Bujqësisë, duhet ta dorëzojë:

- Lejen për ndërtim nga organi kompetent i Komunës. Nuk kërkohet për projektet e rinovimit;
- Vlerësimin e ndikimit në mjedis, nëse është paraparë me ligj;
- Aplikuesit duhet t'i kenë të shlyera detyrimet tatimore dhe atë, personat fizik, tatimin në pronë, kurse personat juridik, tatimin në të ardhura të korporatave dhe tatimet e tjera të aplikueshme;
- Përfituesit nuk mund t'i jepet një projekt i ri nëse projektet e mëparshme nuk janë përfunduar në përputhje me kontratën e nënshkruar me AZHB.
- Projektet e financuara nga Programi i Zhvillimit Rural 2016 nuk bën të jenë të financuara edhe nga Zyra e BE-së në Kosovë apo ndonjë donator tjetër publik vendor ose ndërkombëtar. Në rast të zbulimit se përfituesi ka përfitur përkrahje për projektin e njejtë edhe nga ndonjë donator tjetër, atij nuk i jepet përkrahja ose nëse e ka marrë atë, ai do të detyrohet t'i kthejë mjetet e marra, si dhe ndaj tij do të zbatohen ndëshkimet në përputhje me ligjin.
- Përfituesi, i cili ka aplikuar në MBPZHR dhe institucione tjera publike apo në zyrën e BE-së në Kosovë dhe projekti i tij përzgjedhet për financim nga ndonjëri prej institucioneve, duhet menjëherë të informojë MBPZHR / AZHB apo institucionet tjera përkatëse.
- Të gjithë përfituesit, të cilët në planin e tyre të biznesit kanë deklaruar se do të krijojnë vende të reja të punës dhe për këtë kanë fituar pikë gjatë vlerësimit, duhet t'i krijojnë ato dhe t'i dëshmojnë me pagesën e kontributit pensional dhe tatimit në paga për së paku muajin e fundit para kërkesës për pagesën e fundit. Përfituesit janë të obliguar t'i mbajnë këto vende pune të plotësuara me punëtorë me orar të plotë për 5 vjet, as sa zgjat periudha monitoruese.

7.5. LISTA KONTROLLUESE PËR PËRZGJEDHJE MJEDISORE

Me rastin e përzgjedhjes së përfituesve, para nënshkrimit të kontratave për financim të projekteve për zhvillim rural, projektet e përzgjedhura do t'i nënshtrohen procedurës së

M.K.

vlerësimit mjedisor, sipas Listës Kontrolluese për Përzgjedhje Mjedisore (Shtojca Nr. 15). Lista kontrolluese do të plotësohet nga AZHB duke dhënë informata shtesë për rubrikën "Karakteristikat specifike" për t'i sqaruar përgjigjet e dhëna. Nëse një apo më shumë përgjigje në listën kontrolluese është pozitive (PO), atëherë projekti do të ketë ndikim në mjedis, dhe si i tillë kërkon përgatitjen e Planit për Menaxhim Mjedisor (PMM). Masat zbutëse të parashikuara në listën kontrolluese do të jenë pika udhëzuese për përgatitjen e PMM-së. Procesi i aprovimit të projektit kërkon që të gjitha masat zbutëse të propozuara të pranohen dhe të miratohen për zbatim nga ana e aplikuesit. Përgatitja e PMM-së do të jetë obligim i vetë aplikuesit, ndërsa shpenzimet për përgatitjen e tij do të konsiderohen si shpenzime administrative.

8. KRITERET E VEÇANTA TË PRANUESHMËRISË

Nënsëktorët e përpunimit të qumështit dhe të mishit

Të drejtë aplikimi kanë ndërmarrjet të cilat kanë zhvilluar aktivitetin e tyre në sektorin përkatës për së paku 2 vjet para datës së aplikimit dhe janë të regjistruara në Agjencinë për Regjistrimin e Bizneseve të Kosovës dhe në Agjencinë e Ushqimit dhe Veterinarisë, sipas kategorizimit të ndërmarrjeve për përpunim të ushqimit.

- Kategorija "A" = shkallë e ultë e rrezikut
- Kategorija "B" = shkallë e mesme e rrezikut
- Kategorija "C" = shkallë e lartë e rrezikut
- Kategorija "D" = shkallë shumë e lartë e rrezikut

Aplikuesit e kategorisë "A dhe B" nuk janë të pranueshem në rast të ndërtimit dhe zgjerimit të objekteve.

Aplikuesit e kategorisë "C" janë të pranueshëm për ndërtim të ri me kusht të mbylljes së objektit ekzistues ose rinovim të objektit ekzistues.

Aplikuesit e Kategorisë "D" janë të pranueshëm vetëm në rast të ndërtimit të objektit të ri dhe mbylljes së objektit ekzistues. Këta aplikues mund të aplikojnë edhe në pajisje dhe në investime tjera.

Nënsëktorët e përpunimit të pemëve dhe të perimeve

Të drejtë aplikimi kanë ndërmarrjet të cilat kanë zhvilluar aktivitetin e tyre në sektorin përkatës për së paku 2 vjet para datës së aplikimit dhe janë të regjistruara në Agjencinë për Regjistrimin e Bizneseve të Kosovës.

Në rast të investimit në qendrat grumbulluese dhe paketuese, kapaciteti minimal i ruajtjes duhet të jetë së paku 1000 m³ të prodhimit.

Nësektori i prodhimit të verës

Të drejtë aplikimi kanë ndërmarrjet e regjistruara në Regjistrin e Prodhuesve të Verës. Të drejtë aplikimi kanë prodhuesit e verës që së paku 50% të lëndës së parë (rrushit) e sigurojnë nga prodhuesit e tjerë (jo prodhim vetanak). Ky kriter nuk vlen për prodhuesit e verës që kanë në pronësi mbi 50 ha me vreshta. Aplikuesit duhet të dëshmojnë se e kanë deklaruar prodhimin vjetor të verës dhe të stoqeve të ngelura.

9. INVESTIMET E PRANUESHME

- Ndërtimi / rinovimi / zgjerimi i objekteve;
- Blerja e makinerive dhe pajisjeve të reja, duke përfshirë programe kompjuterike të nevojshme për funksionimin e linjave të prodhimit apo funksioneve të tjera primare që ndërlidhen me aktivitetet kryesore të ndërmarrjes;
- Të pranueshme janë investimet në nësektorët e përpunimit të qumështit, të mishit, të pemëve dhe të perimeve, si dhe prodhimit të verës, përfshirë edhe shpenzimet e marketingut për promovimin e tyre;
- Shpenzimet e pranueshme të marketingut për të gjitha nënmasat e Masës 103 janë: përgatitja dhe shtypja e katalogëve, fletëpalosjeve, broshurave, posterëve, etj., për promovim të produkteve, por jo edhe për shpërndarje të tyre. Po ashtu, shpenzime të pranueshme të marketingut janë edhe prodhimi i audio dhe video-spotëve promovuese, por jo edhe shpërndarja e tyre mediale;
- Vlera maksimale e shpenzimeve të pranueshme për marketing është e kufizuar në 5% të totalit të shpenzimeve të pranueshme, por jo më shumë se 10,000 €;
- Shpenzimet e tjera të ndërlidhura me projektin, siç janë: shpenzimet për arkitekt, për inxhinier dhe shpenzimet për studime parapake, si dhe nxjerrja e dokumenteve dhe lejeve relevante janë të pranueshme deri në 7% të shpenzimeve të pranueshme por jo më shumë se 15,000 €, kurse shpenzimet për përgatitjen e planit të biznesit janë të pranueshme deri në 3% të shpenzimeve të pranueshme për projekt, por jo më shumë se 5,000 €;
- Shpenzimet administrative, edhe pse ndodhin para nënshkrimit të kontratës, janë të pranueshme vetëm në qoftë se projekti është përzgjedhur dhe është kontraktuar nga Agjencia për Zhvillimin e Bujqësisë.

9.1. INVESTIMET E PRANUESHME PËR NËNSEKTORË

Investimet e pranueshme për nënmasën e përpunimit të qumështit

- Investimet në rinovim / zgjerim dhe modernizim të qumështoreve;
- Investimet në ndërtim të qumështoreve të reja të cilat në kohën e aplikimit janë në kategorinë "C" ose "D";
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe / ose ISO 22000);
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Investimet në ndërtimin dhe pajisjen e pikave grumbulluese të qumështit;
- Investimet në mjete transportuese të specializuara;
- Investimet në pajisje për prodhime të reja dhe paketime moderne;
- Pajisje të IT-së, harduer dhe softuer për monitorim, kontroll dhe menaxhim;
- Investimet në teknologji për prodhimin e energjisë së ripërtërishme;
- Investimet në pajisje për ftohje;

Investimet e pranueshme për nënmasën e përpunimit të mishit

THERTORET

- Investimet në rinovim / zgjerim dhe modernizim të thertoreve, përfshirë depot ftohëse;
- Investimet në ndërtim të thertoreve të reja të cilat në kohën e aplikimit janë në kategorinë "C" ose "D";
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe / ose ISO 22000);
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Pajisje për rjepje dhe përgatitje (rexhje) të lëkurave;
- Pajisje për thertore, duke përfshirë pajisje për ftohje;
- Kamionë specialë për bartjen e kafshëve të gjalla që i plotësojnë kërkesat për mirëqenien e kafshëve;
- Stalla për vendosjen e kafshëve para therjes;
- Kamionë frigoriferë për bartjen e mishit;
- Makina, pajisje dhe depo për trajtim të mbetjeve dhe nënprodukteve;
- Pajisje të IT-së, harduer dhe softuer për monitorim, kontroll dhe menaxhim;
- Investimet në teknologji për prodhimin e energjisë së ripërtërishme;

NJËSITË PËR PËRPUNIMIN E MISHIT

- Investimet në rinovim / zgjerim dhe modernizim të objekteve ekzistuese, përfshirë depot ftohëse bashkë me pajisje;
- Investimet në ndërtim të objekteve të reja për përpunim për ndërmarrjet të cilat në kohën e aplikimit janë në kategorinë "C" ose "D";
- Investimet në pajisje për përpunim të mishit;
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe / ose ISO 22000);
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Investimet për pajisje për kontroll të cilësisë, përfshirë laboratorët përkatës;
- Investimet për pajisje për ftohje dhe ngrirje për ruajtjen e prodhimeve të gatshme;
- Automjete të specializuara për bartjen e lëndës së parë dhe prodhimeve të gatshme;
- Investimet në teknologji për prodhimin e energjisë së ripërtërishme;

Investimet e pranueshme për nënmasën e përpunimit të pemëve dhe të perimeve

- Investimet në ndërtim / rinovim dhe modernizim të objekteve për përpunim;
- Investimet në linja për konservim / pasterizim të pemëve dhe perimeve;
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe / ose ISO 22000);
- Investimet në objekte dhe pajisje për trajtim pas vjeljes, për tharje, për klasifikim dhe për deponim;
- Investimet në pajisje për paketim, për etiketim, përfshirë linjat e mbushjes, mbështjellësit dhe pajisje të tjera të specializuara;
- Investimet në teknologji për prodhimin e energjisë së ripërtërishme;
- Investimet në pajisje për zinxhirin ftohës, duke përfshirë depo për ftohje dhe ngrirje, tunele të ngrirjes, mjete transportuese me frigorifer dhe pajisje të tjera të nevojshme për të siguruar vazhdimësinë në zinxhirin e ftohjes;
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Investimet për pajisje për kontroll të cilësisë, përfshirë laboratorët përkatës;
- Automjete të specializuara për bartjen e lëndës së parë dhe prodhimeve të gatshme, me ftohje dhe pa ftohje;
- Pajisje të IT-së, harduer dhe softuer për monitorim, kontroll dhe menaxhim;

Investimet e pranueshme për nënmasën e prodhimit të verës

- Ndërtimi / rinovimi / zgjerimi i objekteve për prodhimin dhe përpunimin e verës;

M.K.

- Investimet në pajisje për përpunimin e verës;
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe / ose ISO 22000);
- Investimet në pajisje për paketim, për etiketim, përfshirë linjat e mbushjes, mbështjellësit dhe pajisje të tjera të specializuara;
- Investimet në teknologji për prodhimin e energjisë së ripërtërishme;
- Investimet për pajisje për kontroll të cilësisë, përfshirë laboratorët përkatës;
- Pajisje të IT-së, harduer dhe softuer për monitorim, kontroll dhe menaxhim;

10. KRITERET E PËRZGJEDHJES

Tabela 9: Nënmasa e përpunimit të qumështit

Nr.	Kriteret e përzgjedhjes	Pikët
1.	Ndërmarrjet që aplikojnë për certifikim me HACCP dhe / ose ISO 22000, të cilat specifikojnë investimet e nevojshme për certifikimin me këto standarde	30
	Ndërmarrjet që janë plotësisht të certifikuara me HACCP dhe / ose ISO 22000	25
2.	Investime që mundësojnë diversifikimin e prodhimit me së paku dy produkte të reja	10
3.	Shitjet e aplikuesit gjatë vitit 2015 kanë qenë nga 200,000 € deri në 4,000,000 €, të dëshmuara me pasqyrat financiare, të dorëzuar në ATK	10
4.	Aplikuesi nuk ka përfituar grante nga MBPZHR në dy vitet e fundit	10
5.	Përvoja e ndërmarrjes në treg: Për ≥ 2 - < 5 vjet = 5 pikë Për ≥ 5 vjet = 10 pikë	Max. 10
6.	Së paku 10% nga investimet e pranueshme i destinohen mbrojtjes së mjedisit: investime për menaxhimin e mbeturinave dhe trajtimin e ujit	
7.	Së paku 10% nga investimet e pranueshme i destinohet prodhimit të energjisë së ripërtërishme	5
8.	Krijimi i vendeve të reja të punës: për çdo punëtor të ri të punësuar nga 1 pikë, por jo më shumë se 10 pikë në total	Max. 10
9.	Aplikuesit kanë pasur afarizëm pozitiv gjatë 2 viteve të fundit (të dëshmohet me pasqyrat financiare, të verifikuara nga ATK)	5
GJITHSEJ		100

M.K.

Tabela 10: Nënmasa e përpunimit të mishit

Nr.	Kriteret e përzgjedhjes	Pikët	
1.	Ndërmarrjet që aplikojnë për çertifikim me HACCP dhe / ose ISO 22000, të cilat specifikojnë investimet e nevojshme për çertifikimin me këto standarde	30	
	Ndërmarrjet që janë plotësisht të çertifikuara me HACCP dhe / ose ISO 22000	25	
2.	Për thertoret	Futja e linjave të specializuara për therjen e ripërtypësve të vegjël (dele, dhi)	10
	Për përpunuesit e mishit	Investime që mundësojnë diversifikimin e prodhimit me së paku dy produkte të reja	10
3.	Së paku 30% e lëndës së parë (kafshë ose mish) të përdorur është nga prodhimi vendor. Kjo duhet të dëshmohet përmes kontratave: në rast të thertoreve, me fermerët, ndërsa në rast të përpunuesve të mishit, me thertoret	10	
4.	Aplikuesi nuk ka përfituar grante nga MBPZHR në dy vitet e fundit	10	
5.	Së paku 10% nga investimet e pranueshme i destinohen mbrojtjes së mjedisit: investime për menaxhimin e mbeturinave dhe trajtimin e ujit	10	
6.	Së paku 10% nga investimet e pranueshme i destinohet prodhimit të energjisë së ripërtërishme	5	
7.	Përvoja e ndërmarrjes në treg: Për ≥ 2 - < 5 vjet = 5 pikë Për > 5 vjet = 10 pikë	Max. 10	
8.	Krijimi i vendeve të reja të punës: për çdo punëtor të ri të punësuar nga 1 pikë, por jo më shumë se 10 pikë në total	Max. 10	
9.	Aplikuesit kanë pasur afarizëm pozitiv gjatë 2 viteve të fundit (të dëshmohet me pasqyrat financiare, të verifikuara nga ATK)	5	
GJITHSEJ		100	

Tabela 11: Nënmasa e përpunimit të pemëve dhe të perimeve

Nr.	Kriteret e përzgjedhjes	Pikët
1.	Investimet për qendrat e deponimit ose qendrat për përpunim: ndërtimi i qendrave të reja apo rinovimi / zgjerimi i qendrave ekzistuese, duke përfshirë pajisje të ftohjes dhe të ngrirjes, pajisje për klasifikim / paketim	35

	/ etiketim. Kujdes: Në rast të qendrave të deponimit, investimet janë të pranueshme vetëm në objekte me kapacitet së paku 1000m ³ . Pikët nga ky kriter do të llogariten me kusht që së paku 25% e investimit të përgjithshëm i është dedikuar investimit për qendrat e deponimit.	
2.	Investime që mundësojnë diversifikimin e prodhimit me së paku dy produkte të reja	10
3.	Përvoja e ndërmarrjes në treg: Për ≥ 2 - < 5 vjet = 5 pikë Për ≥ 5 vjet = 10 pikë	Max. 10
4.	Së paku 80% e prodhimit të mbledhur është nga prodhimi vendor. Kjo duhet të dëshmohet përmes kontratave me fermerët, duke përfshirë edhe listën e fermerëve si dhe sasinë e pranuar.	10
5.	Aplikuesi nuk ka përfituar grante nga MBPZHR-ja në dy vitet e fundit	10
6.	Së paku 5% nga investimet e pranueshme i destinohen mbrojtjes së mjedisit: investime për menaxhimin e mbeturinave dhe trajtimin e ujit	5
7.	Së paku 10% nga investimet e pranueshme i destinohet prodhimit të energjisë së ripërtërishme	5
8.	Krijimi i vendeve të reja të punës: për çdo punëtor të ri të punësuar nga 1 pikë, por jo më shumë se 10 pikë në total	Max. 10
9.	Aplikuesit kanë pasur afarizëm pozitiv gjatë 2 viteve të fundit (të dëshmohet me pasqyrat financiare, të verifikuara nga ATK)	5
GJITHSEJ		100

Tabela 12: Nënmasa e prodhimit të verës

Nr.	Kriteret e përzgjedhjes	Pikët
1.	Investimet në Linja të Prodhimit për verën në shishe, përfshirë për verën e shkumëzuar.	35
2.	Investimet në objekte dhe / apo pajisje të ruajtjes. Kujdes: Pikët nga ky kriter do të llogariten me kusht që së paku 25% e investimit të përgjithshëm i është dedikuar investimit sipas këtij kriteri.	20
3.	Së paku 80% e rrushit që përpunohet është nga prodhimi vendor. Kjo duhet të dëshmohet përmes sasisë së prodhuar nga vet aplikuesi dhe /	10

M.K.

	apo kontratave me fermerët, duke përfshirë edhe listën e fermerëve si dhe sasinë e pranuar.	
4.	Aplikuesi nuk ka përfituar grante nga MBPZHR në dy vitet e fundit	10
5.	Përvoja e ndërmarrjes në treg: Për ≥ 2 - < 5 vjet = 5 pikë Për ≥ 5 vjet = 10 pikë	Max. 10
6.	Krijimi i vendeve të reja të punës: për çdo punëtor të ri të punësuar nga 1 pikë, por jo më shumë se 10 pikë në total	Max. 10
7.	Aplikuesit kanë pasur afarizëm pozitiv gjatë 2 viteve të fundit (të dëshmohet me pasqyrat financiare, të verifikuara nga ATK)	5
GJITHSEJ		100

Vërejtje për të gjitha nënmasat: Në rastet kur aplikuesit kanë numër të njëjtë të pikëve, përparësi kanë projektet e dorëzuara më herët.

11. SHKALLA E PËRKRAHJES PUBLIKE

- Vlera minimale e shpenzimeve të pranueshme për projekt brenda kësaj mase është 30,000 €;
- Vlera maksimale e shpenzimeve të pranueshme për projekt brenda kësaj mase është 400,000 €;
- Përkrahja publike është 50% e shpenzimeve të pranueshme të investimit;
- Për investimet në trajtimin e mbetjeve rritet intensiteti i përkrahjes publike për 10% - vetëm për pjesën e investimit për këtë qëllim përkrahja publike është 60%;
- Paguesa për Masën 103 bëhet në dy këste, pjesa e parë e përkrahjes publike në vlerë prej 50% bëhet në formë të paradhënies pas nënshkrimit të kontratës me përfituesin, ndërsa pjesa tjetër e mbetur prej 50%, paguhet pas verifikimit të përfundimit të investimit të përgjithshëm.

12. BUXHETI

Tabela 13: Ndarja e planifikuar buxhetore, sipas nënmasave:

Nënmasa	Vlera në €	% e buxhetit
103.1 Qumështi	1,200,000	24
103.2 Mishi	1,400,000	28
103.3 Pemët dhe perimet	1,600,000	32
103.4 Vera	800,000	16

Totali	5,000,000	100%
---------------	------------------	-------------

13. INDIKATORET E PROGRAMIT

Tabela 14: Treguesit e monitorimit

Lloji i Treguesve	Treguesit	Qëllimi 2016	
Të hyrat	Vlera e përgjithshme e mbështetjes publike	5,000,000	
	103.1. Përpunimi i qumështit	1,200,000	
	103.2. Përpunimi i mishit	1,400,000	
	103.3. Përpunimi i përgjithshëm i pemëve dhe perimeve (përfshirë verën)	2,400,000	
	Nga e cila	103.3.1. Përpunimi i pemëve dhe perimeve	1,600,000
		103.3.2. Prodhimi i verës	800,000
Outputi	Numri i përgjithshëm i ndërmarrjeve të përkrahura	43	
	103.1. Përpunimi i qumështit	10	
	103.2. Përpunimi i mishit	12	
	103.3. Përpunimi i përgjithshëm i pemëve dhe perimeve (përfshirë verën)	21	
	Nga e cila	103.3.1. Përpunimi i pemëve dhe perimeve	14
		103.3.2. Prodhimi i verës	7
	Vlera e përgjithshme të investimeve (€)	11,000,000	
	Nga e cila	Në kapitalin fizik	10,450,000.0
		Në marketing	5,500,000.0
	103.1. Përpunimi i qumështit	2,640,000.0	
	103.2. Përpunimi i mishit	3,080,000.0	
	103.3. Përpunimi i përgjithshëm i pemëve dhe perimeve (përfshirë verën)	5,280,000.0	
	Nga e cila	103.3.1. Përpunimi i pemëve dhe i perimeve	3,520,000.0
		103.3.2. Verërat	1,760,000.0
	REZULTATET	Numri i ndërmarrjeve me standarde të përmirësuara në përputhje me standardet kombëtare dhe të BE-së në sigurinë e ushqimit/mirëqenien e kafshëve/mjedisit	34

M.V.

	Numri i ndërmarrjeve të modernizuara duke përfshirë prodhime të reja dhe/ose teknika të reja të prodhimit	39
	Numri i ndërmarrjeve me marketing të përmirësuar	34
	Numri i konsoliduar i fermerëve në bazë të marrëdhënieve kontraktuese	34
	Numri i ndërmarrjeve që përfshijnë dhe përmirësojnë trajtimin e mbeturinave dhe menaxhimin e tyre	11
	Numri i ndërmarrjeve që prodhojnë energji të ripërtërishme	2
NDIKIMI	Rritja ekonomike - si shtesë neto e vlerës bruto të shtuar në ndërmarrjet e mbështetura	15%
	Krijimi i vendeve të punës - nga numri i përgjithshëm bruto si shtesë e Kohës së Plot Ekuivalente (KPE) e krijimit të vendeve të punës në ndërmarrjet e mbështetura	100
	Produktiviteti i punës si ndryshim - Bruto Vlera e Shtuar BVSH për KPE të punës në ndërmarrjet e mbështetura	15%

13. PROCEDURA ADMINISTRATIVE

Kjo masë do të zbatohet nga Agjencia për Zhvillimin e Bujqësisë (AZHB). Procedurat administrative të detajuara do të paraqiten në Udhëzimin Administrativ i cili miratohet nga Ministri i Bujqësisë, Pylltarisë dhe Zhvillimit Rural.

14. AFATI I ZBATIMIT

Afati i implementimit të projekteve të kësaj mase është 12 muaj nga dita e nënshkrimit të kontratës me AZHB-në. Pas kësaj periudhe, përfituesi ka edhe 15 ditë shtesë për përgatitjen e dokumentacionit dhe paraqitjen e kërkesës për pagesë. AZHB mund të zgjasë afatin e implementimit për më së shumti 2 muaj, nëse ka arsye të forta për këtë, siç është sjellja e ndonjë makinerie specifike prej ndonjë vendi të huaj, etj.

15. SHTRIRJA GJEOGRAFIKE E MASËS

Kjo masë aplikohet në tërë territorin e Republikës së Kosovës.

M.V.

MASA 302: DIVERSIFIKIMI I FERMAVE DHE ZHVILLIMI I BIZNESEVE

1. BAZA LIGJORE

Ligji Nr.03/L-098 - Për Bujqësi dhe Zhvillim Rural, dt. 1 korrik 2009;

Ligji Nr. 04/L-090 - Për ndryshimin dhe plotësimin e Ligjit Nr. 03/L-098 për Bujqësinë dhe Zhvillimit Rural, dt. 16 tetor, 2012

Ligji Nr. 03/L-016 - Për Ushqim, dt. 6 mars 2009;

Ligji Nr. 03/L-029 - Për InspeksioninBujqësor, dt. 13 dhjetor 2008;

Ligji Nr. 02/L-122 - Për Bujqësinë Organike në Kosovë, dt. 8 janar 2008;

Ligji Nr. 02/L-111 - Për Bletarinë, dt. 8 shkurt 2008;

Ligji Nr. 2005/47 - Për Verërat, dt. 14 tetor 2005;

Ligji Nr. 2004/21 - Për Veterinarinë, dt. 30 korrik 2004;

Ligji Nr. 04/L-191 - Për Blegtorinë, dt. 14 tetor 2004;

Ligji Nr. 2003/3 - Për Pyjet e Kosovës, dt. 20 mars 2003;

Ligji Nr. 03/L-025 - Për Mbrojtjen e Mjedisit, dt. 19 mars 2009;

Ligji Nr. 04/L-074 - Për Shërbimet Këshilluese për Bujqësi dhe Zhvillim Rural, dt. 19 mars 2012;

2. ARSYESHMËRIA

Zonat rurale kanë një rëndësi të madhe për zhvillimin e përgjithshëm të vendit dhe paraqesin një potencial të madh për diversifikimin e aktiviteteve ekonomike, për krijimin e vendeve të punës dhe krijimin e të hyrave shtesë.

Ekonomia e Kosovës ballafaqohet me shkallë të lartë të papunësisë. Shkalla e papunësisë në vitin 2015 ishte rreth 30% e fuqisë punëtore.⁶ Papunësia është më e madhe te gratë dhe te të rinjtë, sidomos në zonat rurale. Kushtet e jetës në zonat rurale janë më të vështira, prandaj është evidente shpërngulja e vazhdueshme drejt zonave urbane.

Problemet kryesore me të cilat ballafaqohen njerëzit në zonat rurale janë:

- Mungesa e vendeve të punës;
- Migrimi, sidomos i rinisë;
- Varësia e lartë nga punësimi në bujqësi;
- Mungesa e shërbimeve cilësore në zonat rurale.

⁶Raporti i Gjellbër 2014

M.K.

Masa 302 "Diversifikimi i fermës dhe zhvillimi i bizneseve" synon krijimin e vendeve të reja të punës dhe ruajtjen e atyre ekzistuese. Përkrahja e aktiviteteve të reja ekonomike duhet të shpijë në uljen e varfërisë në zonat rurale dhe përmirësimin e kushteve të jetesës.

Në pajtim me përfundimet e analizës sektoriale për diversifikimin e ekonomisë rurale në Kosovë, diversifikimi i aktiviteteve ekonomike në zonat rurale shihet si një perspektivë afatgjate për zhvillimin e ekonomisë rurale dhe një mënyrë e përshtatshme për krijimin e punësimit të qëndrueshëm në zonat rurale.

Masa 302 "Diversifikimi i fermës dhe zhvillimi i bizneseve" është masë që e plotëson Masën 101 "Investimet në asetet fizike të ekonomive bujqësore", pasi që Masa 302 mbështet edhe aktivitetet jobujqësore dhe një varg aktiviteteve të tjera që i ofrojnë shërbime popullatës në zonat rurale. Të dy masat do të kontribuojnë në rritjen e të hyrave të ekonomive familjare nga aktivitetet bujqësore dhe nga aktivitetet e tjera në zonat rurale. Në kuadër të masës, përparësi i jepet projekteve të realizuara në zonat malore, të propozuara nga femrat ndërmarrëse dhe fermerët e rinj. Prioritet i lartë gjithashtu i jepet projekteve për krijimin e vendeve të punës dhe projekteve të turizmit rural. Prioritet shtesë do t'u jepet projekteve të rekomanduara nga Grupet Lokale të Veprimit (GLV).

Kjo masë përbëhet nga këto nën masa:

302.1. - Prodhimi, përpunimi dhe promovimi i mjaltit

302.2. - Grumbullimi, përpunimi dhe promovimi i prodhimeve jodrusore të malit ⁷

302.3. - Përpunimi dhe promovimi i prodhimeve bujqësore të kultivuara⁸

302.4. - Zhvillimi dhe promovimi i aktiviteteve artizanale⁹

302.5. - Zhvillimi dhe promovimi i turizmit rural

3. OBJEKTIVAT E PËRGJITHSHME

- Krijimi i vendeve të reja të punës dhe ruajtja e tyre nëpërmjet diversifikimit;
- Krijimi i kushteve të përshtatshme për prandalimin e shpërnguljes së popullatës së zonave rurale dhe zonave malore;
- Zhvillimi i qëndrueshëm i zonave rurale;

3.1 OBJEKTIVAT E VEÇANTA

⁷ bimët mjekuese dhe aromatike, frutat pyjorë dhe kërpudhat e grumbulluara;

⁸ perimet, frutat, erëzat, bimët mjekuese dhe aromatike, kërpudhat, qumështi, mushti, vera, rakia nga rrushi dhe nga fruta të tjerë, prodhimi i uthullës, përpunimi i brumërave;

⁹ përpunimi i tekstilit, i lëkurës, i leshit; përpunimi i metaleve; përpunimi i drurit; punët e dorës, si përgatitja e kostumeve tradicionale; thurja e veshmbathjeve tradicionale; prodhimi i pëlhurave të thurura dhe të endura; qëndisja / thurja e qilimave dhe sixhadeve; përgatitja e bizhuterive të ndryshme dhe aktivitetet e tjera që janë punë artizanale;

M.K.

- Rritja e të ardhurave të popullatës në zona rurale;
- Zhvillimi i ndërmarrjeve të vogla, duke u bazuar në burimet lokale;
- Ruajtja dhe zhvillimi i aktivitetëve artizanale tradicionale;
- Zhvillimi dhe promovimi i turizmit rural;

4. LIDHJA ME MASAT E TJERA NË PBZHR

Kjo masë ka ndërlidhje me masat e tjera të PBZHR-së, si:

- Masa 101 "Investimet në asetet fizike në ekonomitë bujqësore";
- Masa 103 "Investimet në asetet fizike për përpunimin dhe tregtimin e prodhimeve bujqësore" dhe
- Masa 303 "Përgatitja dhe zbatimi i strategjive për zhvillim lokal - LEADER"

5. PËRFITUESIT PËRFUNDIMTAR

Përfituesit përfundimtar në këtë masë janë fermerët, sipas definicionit nga Ligji për Bujqësi dhe Zhvillim Rural (L-03/098) dhe ndërmarrjet e tjera bujqësore të regjistruara në Regjistrin e Fermës. Personat juridik mund të jenë përfitues vetëm nëse janë të regjistruar si ndërmarrje Mikro ose të Vogla sipas definicionit nga Ligji për Ndryshimin dhe Plotësimin e Ligjit 02/L-5 - Për mbështetjen e Ndërmarrjeve të Vogla dhe të Mesme:

- Mikrondërmarrja duhet të ketë të punësuar deri nëntë (9) punëtorë;
- Ndërmarrja e vogël duhet të ketë të punësuar prej dhjetë (10) deri dyzet nëntë (49) punëtorë;

6. KRITERET E PËRBASHKËTA TË PRANUESHMËRISË

- Duhet të jenë të regjistruar në Regjistrin e Fermës;
- Nëse aplikuesi është person fizik, ai duhet të jetë mbi 18 vjeç, por jo më i vjetër se 65 vjeç;
- Aplikuesit duhet ta dorëzojnë aplikacionin me të gjitha dokumentet e kërkuara në listën e dokumenteve të kërkuara dhe të paraqitura në Udhëzuesin për Aplikues;
- Investimi duhet të kryhet në zona rurale apo zona malore (sipas definicionit të MBPZHR-së);
- Aplikuesit duhet ta kenë të kryer së paku shkollën e mesme (në rast të personit juridik kjo vlen për pronarin / personin e autorizuar);
- Aplikuesit duhet t'i kenë të shlyera detyrimet tatimore dhe atë, personat fizik, tatimin në pronë, kurse personat juridik, tatimin në të ardhura të korporatave dhe tatimet e tjera të aplikueshme;
- Aplikuesit nuk duhet të kenë obligime financiare ndaj MBPZHR;

- Të gjithë përfituesit e projekteve të zhvillimit rural obligohen t'i mirëmbajnë investimet e tyre sipas projektit të miratuar gjatë pesë vjetëve pas realizimit të projektit, aq sa zgjat periudha monitoruese. Nëse nuk i mirëmban investimet, përfituesi obligohet ta kthejë shumën e financuar të përkrahjes publike;
- Për projektet investuese në të cilat investimet e pranueshme janë më të vogla ose baras me 20,000 €, aplikuesit duhen ta dorëzojnë një projekt-propozim teknik sipas modelit të MBPZHR-së. Projekt-propozimi për nënmasën e turizmit rural është i veçantë;
- Për projektet investuese në të cilat investimet e pranueshme janë më të mëdha se 20,000 €, aplikuesit duhen ta dorëzojnë një plan të biznesit sipas modelit të MBPZHR-së. Plani i biznesit për nënmasën e turizmit rural është i veçantë;
- Modelet për projekt-propozim teknik dhe për planin e biznesit do të publikohet në uebfaqen e Agjencisë për Zhvillimin e Bujqësisë (AZHB) dhe MBPZHR dhe do të jenë në dispozicion për të gjithë aplikuesit.
- Të gjithë përfituesit të cilët në planin e tyre të biznesit kanë deklaruar se do të krijojnë vende të reja të punës dhe për këtë kanë fituar pikë gjatë vlerësimit, duhet t'i krijojnë ato dhe t'i dëshmojnë me pagesën e kontributit pensional dhe tatimit në paga për së paku muajin e fundit para kërkesës për pagesën e fundit. Përfituesit janë të detyruar t'i mbajnë këto vende pune të plotësuara me punëtorë me orar të plotë për 5 vjet, aq sa zgjatë periudha monitoruese.
- Projektet e financuara nga Programi i Zhvillimit Rural 2016 nuk bënë të jenë të financuara edhe nga Zyra e BE-së në Kosovë apo ndonjë donator tjetër publik vendor ose ndërkombëtar. Në rast të zbulimit se përfituesi ka përfituar përkrahje për projektin e njejtë edhe nga ndonjë donator tjetër, atij nuk i jepet përkrahja ose nëse e ka marrë atë, ai do të detyrohet t'i kthejë mjetet e marra, si dhe ndaj tij do të zbatohen ndëshkimet në përputhje me ligjin.
- Përfituesi, i cili ka aplikuar në MBPZHR dhe institucione tjera publike apo në zyrën e BE-së në Kosovë dhe projekti i tij përzgjedhet për financim nga ndonjëri prej institucioneve, duhet menjëherë të informojë MBPZHR / AZHB apo institucionet tjera përkatëse.
- Përfituesit nuk mund t'i jepet një projekt i ri nëse projektet e mëparshme nuk janë përfunduar në përputhje me kontratën e nënshkruar me AZHB.

Në rast të projekteve të ndërtimit / zgjerimit me rastin e aplikimit duhet të dorëzojnë:

- Kopjen e skicave dhe vlerësimin e shpenzimeve për materiale dhe për punën;
- Kopjen e planit të parcelës ku do bëhet investimi;
- Pëlqimin nga komuniteti, nëse parashihet me Ligj;
- Fletën poseduese ose kontratën e noterizuar të qirasë për së paku 10 vjet për parcelën ose objektin ku do të bëhet ndërtim / zgjerim, kurse për projektet që nuk parashohin ndërtim / zgjerim në pronë të huaj, mjafton kontrata e noterizuar e qiramarrjes për 5 vjet;

Në rast të projekteve të ndërtimit / zgjerimit, para kërkesës për pagesë në AZHB, përfituesit potencialë duhet të dorëzojnë:

- Lejen ndërtimore nga komuna, në rast të ndërtimeve që janë mbi 10m²;
- Vlerësimin e ndikimit në mjedis, nëse parashihet me Ligj;

Për nënmasën 302.5, përfituesit të cilët planifikojnë të investojnë në objekte që janë në Listën e Trashëgimisë Kulturore, para nënshkrimit të kontratës me Agjencinë për Zhvillimin e Bujqësisë duhet ta marrin pëlqimin nga Ministria e Kulturës / Departamenti i Trashëgimisë Kulturore.

7. KRITERET E VEÇANTA TË PRANUESHMËRISË

Prodhimi, përpunimi dhe promovimi i mjaltit

Aplikuesit duhet:

- Të kenë së paku 40 shoqëri (koshere) bletësh;

Grumbullimi, përpunimi dhe promovimi i prodhimeve jodrusore të malit

Aplikuesit duhet të jenë:

- Persona juridik;
- Të licencuar nga Departamenti i Pylltarisë i MBPZHR-së për grumbullimin e bimëve mjekuese dhe aromatike, frutave pyjore dhe kërpudhave. Ky kriter nuk vlen për aplikuesit që aplikojnë për t'u pajisur me tharëse të prodhimeve jodrusore të malit.

Përpunimi dhe promovimi i prodhimeve bujqësore të kultivuara

- Në rast të prodhimit të verës dhe rakisë, aplikuesit duhet të posedojnë më pak së 3 hektarë vreshta / pemishte;
- Në rast të përpunimit të qumështit, kapaciteti përpunues i aplikuesve nuk duhet të tejkalojë 500 litra në ditë;

Zhvillimi dhe promovimi i aktiviteteve artizanale

Nuk ka kritere të veçanta.

M.G.

Zhvillimi dhe promovimi i turizmit rural

Aplikuesit duhet:

- Të dëshmojnë se objekti që do të rinovohet / adaptohet / zgjerohet duhet t'i përshtatet stilit përkatës (tradicional) të zonës rurale dhe të mbështetet me fotografi për ekzistimin e atij objekti me konstruktin tradicional (në kohën e aplikimit);
- Përfituesit të cilët planifikojnë të investojnë në objekte që janë në Listën e Trashëgimisë Kulturore, para nënshkrimit të kontratës me Agjencinë për Zhvillimin e Bujqësisë, duhet ta marrin pëlqimin nga Ministria e Kulturës / Departamenti i Trashëgimisë Kulturore;
- Përfituesi, para nënshkrimit të kontratës me AZHB-në duhet ta sjellë projektin e dizajnuar nga arkitekti kompetent, të përshtatur pamjes së objektit siç është paraqitur në fotografi në kohën e aplikimit;
- Në rast të projekteve me bujtinë, në fund të investimit objekti duhet të ketë jo më pak se 5 shtretër dhe jo më shumë 25 shtretër;
- Në rast të investimeve në ndërtimin e shtigjeve për këmbësorë dhe biçiklistë përreth objekteve të turizmit rural dhe kur këto shtigje kalojnë nëpër prona private, me rastin e aplikimit duhet të sillen pëlqimi i noterizuar i pronarëve të pronave nëpër të cilat kalon ky shteg;
- Në rast të investimeve në ndërtimin e shtigjeve për këmbësorë dhe biçiklistë përreth objekteve të turizmit rural dhe kur këto shtigje kalojnë nëpër prona publike, me rastin e aplikimit duhet të sillen pëlqimi zyrtar nga autoriteti publik përgjegjës për pronat nëpër të cilat kalon ky shteg;
- Të gjithë përfituesit të cilët në planin e tyre të biznesit kanë deklaruar se do të krijojnë vende të reja të punës dhe për këtë kanë fituar pikë gjatë vlerësimit, duhet t'i krijojnë ato dhe t'i dëshmojnë me pagesën e kontributit pensional dhe tatimit në paga për së paku muajin e fundit para kërkesës për pagesën e fundit. Përfituesit janë të detyruar t'i mbajnë këto vende pune të plotësuara me punëtorë me orar të plotë për 5 vjet, aq sa zgjatë periudha monitoruese.

8. INVESTIMET E PRANUESHME

- Shpenzimet maksimale të pranueshme për promovim nuk mund të kalojnë 10% të vlerës së gjithëmbarshme të investimeve të pranueshme. Investimet për promovimin e produkteve të prodhuara dhe të përpunuara janë: materialet promovuese, pagesat për pjesëmarrje në panairët lokale/kombëtare, etj.;
- Shpenzimet për përgatitjen e planit të biznesit apo projekt - propozimit nuk mund ta tejkalojnë vlerën prej 3% të shpenzimeve të pranueshme;

- Në rast të investimeve që parashohin ndërtim / rinovim / zgjerim/ të objekteve, shpenzimet për arkitekt dhe inxhinier janë të pranueshme deri në vlerën 7% të shpenzimeve të pranueshme.

8.1 INVESTIMET E PRANUESHME SIPAS NËNMASAVE

Prodhimi, përpunimi dhe promovimi i mjaltit

- Blerja e koshereve;
- Blerja e makinerisë dhe pajisjeve për prodhimin dhe përpunimin e mjaltit;
- Rimorkio të specializuara për bartjen e koshereve, vetëm për aplikuesit me mbi 60 koshere;
- Investimet në pajisje për nxjerrjen e produkteve të bletës;
- Investimet në pajisje për kultivimin e mëmave;
- Ndërtimi / rinovimi / zgjerimi i dhomës së mjaltit;
- Blerja e pajisjeve laboratorike për analizim të produkteve të bletëve;
- Blerja e linjave teknologjike për mbushje dhe paketim të mjaltit;
- Blerja e pajisjeve për energji të ripërtërishme;

Grumbullimi, përpunimi dhe promovimi i prodhimeve jodrusore të malit

- Ndërtimi / rinovimi / zgjerimi i objekteve për ruajtjen, përpunimin dhe paketimin e bimëve mjekuese, frutave pyjore dhe kërpudhave të grumbulluara;
- Blerja e pajisjeve për larje, pastrim, ruajtje, klasifikim dhe përpunim;
- Blerja e pajisjeve për tharje, për ftohje, për ngrirje të thellë, etj.;
- Blerja e rafteve për tharje;
- Blerja e pajisjeve për energji të ripërtërishme;
- Blerja e pajisjeve për matje, paketim dhe etiketim;

Përpunimi dhe promovimi i prodhimeve bujqësore të kultivuara

- Ndërtimi / rinovimi / zgjerimi i objekteve për prodhim, ruajtje dhe përpunim të prodhimeve;
- Ndërtimi / rinovimi / zgjerimi i objekteve me pamje tradicionale për përdorim si pika shitëse për prodhimet lokale (të përshkruhet në projekt-propozim);
- Investimet në makina dhe pajisje për përpunimin e qumështit (përfshirë njësitë mobile për prodhimin e djathërave tradicionale), përpunimin e pemëve dhe perimeve, për pastrim, klasifikim, tharje, grumbullim, pasterizim, ruajtje, frigoriferë me ftohje, me

M.V.

ngrirje, furra për pjekje të brumërave, përzierëse të ndryshme të brumërave, pajisje për prodhimin e rakisë, pajisje për mbushje për raki dhe verëra, etj.;

- Investimet në blerjen e pajisjeve për matje, paketim dhe etiketim;
- Investimet në blerjen e pajisjeve për energji të ripërtërishme;
- Investimet në pajisje specifike, me qëllim të përmirësimit të sigurisë dhe cilësisë së ushqimit.

Zhvillimi dhe promovimi i aktiviteteve artizanale

- Ndërtimi / rinovimi / zgjerimi i objekteve për zhvillimin e aktiviteteve artizanale si dhe për ruajtjen e prodhimeve;
- Ndërtimi / rinovimi / zgjerimi i objekteve me pamje tradicionale për përdorim si pika shitëse për prodhimet lokale (të përshkruhet në projekt-propozim);
- Investimet në blerjen e pajisjeve për thurje dhe për endje të pëlhurave;
- Investimet në blerjen e pajisjeve për punimin e qilimave dhe sixhadeve;
- Investimet në blerjen e pajisjeve për përpunimin e lëkurës;
- Investimet në blerjen e pajisjeve për përpunimin e metaleve;
- Investimet në blerjen e pajisjeve për përpunimin e drurit;
- Investimet në blerjen e pajisjeve të nevojshme për zhvillimin e aktiviteteve të tjera artizanale;

Zhvillimi dhe promovimi i turizmit rural

- Rinovimi / adaptimi / zgjerimi i objekteve tradicionale për t'i përdorur si bujtina dhe për ofrimin e shërbimeve gastronomike (me jo më pak se 5 dhe jo më shumë se 25 shtretër);
- Rinovimi / adaptimi / zgjerimi i objekteve me pamje tradicionale (p.sh. mulli, kulla, shtëpi tradicionale, etj.) për përdorim si pika shitëse për prodhimet lokale, për ofrimin e shërbimeve gastronomike tradicionale, për ofrimin e informatave turistike për zonën, etj.;
- Investimet në ndërtimin e shtigjeve për këmbësorë dhe biçiklistë përreth objekteve të turizmit rural;
- Blerja e orendive që nevojiten për rregullimin e dhomave, banjove, kuzhinës, sallës së ushqimit (shtretër, ulëse, tavolina, karrige, etj.);
- Blerja e pajisjeve për energji të ripërtërishme;
- Blerja e pajisjeve që ofrojnë aktivitete për argëtim të fëmijëve (tobogan, luhatëse, tavolinë ping-pongu, etj.);
- Investimet në krijimin e uebfaqes;

9. KRITERET E PËRZGJEDHJES PËR NËNMASA

Tabela 15: Prodhimi, përpunimi dhe promovimi i mjaltit

Nr.	Lloji i kritereve	Kriteri / Kategoria	Pikët	
1	Madhësia e fermës në momentin e aplikimit*	Numri i koshereve	40 - 100	35
			101 - 300	25
			> 300	20
2.	Regjistrimi i biznesit	Aplikuesi është i regjistruar në Regjistrin e Bizneseve si prodhues / përpunues i mjaltit	5	
3	Kapaciteti i prodhimit të mjaltit	Vlera e prodhimit gjatë vitit paraprak: ≥ 20,000 €	15	
		≥ 10,000 - <20,000 €	10	
		≥ 1,000 - <10,000 €	5	
4	Punësimi	Krijimi i një vendi të ri të punës POP ¹⁰	5	
5	Adresa / vendbanimi i aplikuesit**	Ndodhet në zonë malore	10	
		Ndodhet në zonë rurale	5	
6	Përkrahje për herë të parë	Aplikuesi nuk ka qenë përfitues i granteve të MBPZHR-së në dy vitet e fundit	10	
7	Gjinia	Aplikuesi femër	2	
8	Mosha	Aplikuesi është 40 vjeç ose me i ri	5	
9	Arsimimi	Diplomë universitare në bujqësi / teknologji të ushqimit	5	
10	Bujqësia organike	Certifikuar për prodhim organik	5	
11	Anëtar i Shoqatës së Bletarëve	Certifikata e anëtarësisë	3	
GJITHSEJ			100	

*Numri i koshereve do të krahasohet me numrin e koshereve të vitit paraprak që kanë përfituar subvencionet përkatëse.

**Adresa e aplikuesit nënkupton vendbanimin e ekonomisë familjare, respektivisht të pronarit të biznesit aplikues.

¹⁰ (POP= punë me orar të plotë = 220 ditë pune në vit)

Tabela 16: Grumbullimi, përpunimi dhe promovimi i produkteve jodrusore të malit

Nr.	Lloji i kritereve	Kriteri / Kategoria	Pikët
1	Kapaciteti i grumbullimit /përpunimit të produkteve jodrusore të malit	Vlera e prodhimit gjatë vitit paraparak: ≥ 5,000 €	35
		≥ 1,000 - <5,000 €	30
		0 - <1,000 €	25
2	Punësimi	Krijimi i një vendi të ri të punës POP	10
3	Vendi i investimit	Investimi në zonë malore	15
		Investimi në zonë rurale	10
4	Përkrahje për herë të parë	Aplikuesi nuk ka qenë përfitues i granteve të MBPZHR-së në dy vitet e fundit	10
5	Gjinia	Udhëheqësi i biznesit është femër	5
6	Arsimimi	Diplomë universitare në bujqësi / pylltari	5
7	Mosha	Udhëheqësi i biznesit është 40 vjeç ose me i ri	10
8	Bujqësia organike	Certifikuar për prodhim organik	10
GJITHSEJ			100

Tabela 17: Përpunimi dhe promovimi i prodhimeve bujqësore të kultivuara

Nr.	Lloji i kritereve	Kriteri / Kategoria	Pikët
1	Prejardhja e lëndës së parë (të përshkruhet në projekt - propozim ose në plan të biznesit)	Më shumë se 50% të lëndës së parë për përpunim, aplikuesi e prodhon në fermën e vet	40
		Më shumë se 50% të lëndës së parë për përpunim, aplikuesi e siguron nga prodhuesit e tjerë lokal	35
2	Përvoja e aplikuesit në aktivitetet e përpunimit (për personat fizik, të përshkruhet në projekt - propozim ose në plan të biznesit; për personat juridik, të dëshmohet me	Ka përvojë së paku një - vjeçare në aktivitetet për të cilat aplikon	20
		Nuk ka përvojë në aktivitetet për të cilat	15

M.K.

	çertifikatën e biznesit)	aplikon	
3	Punësimi	Krijimi i një vendi të ri të punës POP	10
4	Vendi i investimit	Investimi në zonë malore	10
		Investimi në zonë rurale	5
6	Gjinia	Aplikuesi femër	10
		Aplikuesi mashkull	8
7	Mosha	Aplikuesi është 40 vjeç ose me i ri	10
GJITHSEJ			100

Tabela 18: Zhvillimi dhe promovimi i aktiviteteve artizanale

Nr.	Lloji i kriterëve	Kriteri / Kategoria	Pikët
1	Gjinia e aplikuesit	Investimi udhëhiqet nga aplikuesi femër	25
		Investimi udhëhiqet nga aplikuesi mashkull	20
2	Përvoja e aplikuesit në aktivitetet artizanale (për personat fizik, të përshkruhet në projekt - propozim ose në plan të biznesit; për personat juridik, të dëshmohet me çertifikatën e biznesit)	Ka përvojë në ndonjërin nga aktivitetet artizanale për të cilat aplikon	20
		Nuk ka përvojë në ndonjërin nga aktivitetet artizanale për të cilat aplikon	15
3	Mosha	Aplikuesi është 40 vjeç ose më i ri	15
		Aplikuesi është mbi 40 vjeç	10
4	Madhësia e familjes (dëshmohet me çertifikatën e bashkësisë familjare)	9 e më shumë anëtarë	15
		6 deri në 8 anëtarë	10
		Deri në 5 anëtarë	5
5	Vendi i investimit	Investimi në zonë malore	15
		Investimi në zonë rurale	10
6	Punësimi	Krijimi i një vendi të ri të punës POP	10

11/15

GJITHSEJ	100
----------	-----

Tabela 19: Zhvillimi dhe promovimi i turizmit rural

Nr.	Lloji i kriterëve	Kriteri / Kategoria	Pikët
1.	Përvoja e aplikuesit në turizëm rural (për personat fizik, të përshkruhet në projekt - propozim ose në plan të biznesit; për personat juridik, të dëshmohet me certifikatën e biznesit)	Aplikuesi ka përvojë në ofrimin e shërbimeve të turizmit rural	35
		Aplikuesi nuk ka përvojë në ofrimin e shërbimeve të turizmit rural	25
2.	Vendi i investimit	Investimi në zonë malore	10
		Investimi në zonë rurale	5
3.	Lloji i investimeve:) Në rast të investimit edhe nga pika a) edhe nga pika b), pikët llogariten nga investimi me pjesën më të madhe të mjeteve (maksimum 20 pikë)	Investimet në bujtina (së paku 5 shtretër të rinj)	20
		Investimet në ofrimin e shërbimeve gastronomike	15
		Investimet në shtigje për ecje dhe / apo biçikleta	10
4.	Mosha	Ndërmarrësi është i moshës 40 vjeç ose më i ri	10
5.	Gjinia	Investimi udhëhiqet nga aplikuesi femër	2
6.	Punësimi	Aplikuesi do të krijojë vende të reja të punës: - për 1 vend pune = 3 pikë - për 2-3 vende pune = 7 pikë - për 4 ose më shumë vende pune = 10 pikë	10
7.	Trashëgimia kulturore	Objekti / ndërtesa që do të rinovohet është në Listën e Trashëgimisë Kulturore	8
8.	Arsimimi	Diplomë të shkollës së mesme në hoteleri / turizëm	3
9..	Përkrahja nga GLV	Projekti është rekomanduar nga GLV me strategji të miratuar	2
GJITHSEJ			100

Vërejtje për të gjitha nënmasat: Në rastet kur aplikuesit kanë numër të njëjtë të pikëve, përparësi kanë projektet e dorëzuara më herët.

10. SHKALLA E PËRKRAHJES PUBLIKE

- Vlera minimale shpenzimeve të pranueshme për projekt, për të gjitha nënmasat e kësaj mase është 5,000 €.
- Vlera maksimale e shpenzimeve të pranueshme për projekt, për të gjitha nënmasat është 30,000 €, përveç për nënmasën 302.5 “Zhvillimi dhe promovimi i turizmit rural”, e cila është 50,000 €.
- Përkrahja publike është 65 % e shpenzimeve të pranueshme të investimit.
- Përkrahje shtesë prej 5% jepet për investime në zonat malore.

11. BUXHETI

Tabela 20: Ndarja e planifikuar buxhetore, sipas nënmasave:

Nënmasa	Vlera në €	% e buxhetit
302.1. – Prodhimi, përpunimi dhe promovimi i mjaltit	500,000	33.33
302.2. – Grumbullimi, përpunimi dhe promovimi i prodhimeve jodrusore të malit	200,000	13.33
302.3. – Përpunimi dhe promovimi i prodhimeve bujqësore të kultivuara	200,000	13.33
302.4. – Zhvillimi dhe promovimi i aktiviteteve artizanale	200,000	13.33
302.5. – Zhvillimi dhe promovimi i turizmit rural	400,000	26.66
Totali	1,500,000	100%

12. INDIKATORËT E PROGRAMIT

Tabela 21: Treguesit e monitorimit

Lloji i treguesit	Totali	1,500,000
-------------------	--------	-----------

Inputi	302.1. Prodhimi i Mjaltit		500,000
	302.2. Përpunimi i produkteve jodrusore të malit		200,000
	302.3.Përpunimi i prodhimeve bujqësore të kultivuara		200,000
	302.4. zhvillimi i aktiviteteve artizanale		200,000
	302.5. zhvillimi i turizmit rural		400,000
Outputi	numri i përgjithshëm i projekteve të mbështetura		106
	prej të cilëve	302.1. prodhimi/ i mjaltit	43.33
		302.2.përpunimi i produkteve jodrusore të malit	17.33
		302.3. përpunimi i prodhimeve bujqësore të kultivuara	17.33
		302. 4 zhvillimi i aktiviteteve artizanale	17.33
		302.5.zhvillim i turizmit rural	10.67
	vlera e përgjithshme e investimeve		2,450,250
	prej të cilëve	302.1., prodhimi/ i mjaltit	742,500
		302.2. përpunimi i produkteve jodrusore të malit	297,000
		302.3. përpunimi i prodhimeve bujqësore të kultivuara	297,000
		302.4.zhvillimi i aktiviteteve artizanale	297,000
		302.5. zhvillim i turizmit rural	594,000

	numri i vendeve të reja të krijuara	147
Rezultati	numri i fermave dhe i ndërmarrjeve që krijojnë burime tjera të të ardhurave nga aktivitetet e diversifikimit.	55
	numri i fermave apo ndërmarrjeve që e kanë shtrirë aktivitetin e tyre në drejtim të përpunimit	39
	numri i fermave apo ndërmarrjeve me aktivitete të përmirësuara të promovimit	48
	numri shtesë i turistëve	1, 095
	të ardhura shtesë (€/vit) - si të ardhura të përgjithshme shtesë të krijuara në fermat ose ndërmarrjet e mbështetura	305,187
Impakti	njësiti e punës bujqësore (pop) rialokohen për aktivitete jobujqësore	45

13. PROCEDURA ADMINISTRATIVE

Kjo masë do të zbatohet nga Agjencia për Zhvillimin e Bujqësisë (AZHB). Procedurat administrative të detajuara do të paraqiten në Udhëzimin Administrativ i cili miratohet nga Ministri i Bujqësisë, Pylltarisë dhe Zhvillimit Rural.

14. AFATI I ZBATIMIT

Afati i implementimit të projekteve të kësaj mase është 120 ditë nga dita e nënshkrimit të kontratës me AZHB-në. Pas periudhës prej 120 ditëve, përfituesi ka edhe 15 ditë shtesë për përgatitjen e dokumentacionit dhe paraqitjen e kërkesës për pagesë. AZHB mund të zgjasë afatin e implementimit për më së shumti 30 ditë, nëse ka arsye të forta për këtë, siç është sjellja e ndonjë makinerie specifike prej ndonjë vendi të huaj, etj.

15. SHTRIRJA GJEOGRAFIKE E MASËS

Kjo masë aplikohet në tërë territorin e Republikës së Kosovës.

Handwritten signature

MASA PËR UJITJEN E TOKAVE BUJQËSORE

1. BAZA LIGJORE

Ligji Nr.04/L-9 Për Ujitjen e Tokave Bujqësore, dt. 01 prill 2007;
Ligji Nr.04/L-198 Për Ndryshimin dhe Plotësimin e Ligjit Nr.04/L-9 për Ujitjen e Tokave Bujqësore, dt.16 gusht 2010;
Ligji Nr.04/L-26 Për Tokën Bujqësore, dt. 01 qershor 2007;
Ligji Nr. 04/L-147 Për Ujërat e Kosovës, dt. 29 prill 2013;
Ligji Nr.04/L-214 Për Vlerësimin e Ndikimit në Mjedis, dt. 29 tetor 2010;
Ligji Nr.04/L-110 Për Ndërtim, dt. 03 korrik 2012;
Ligji Nr.04/L-042 Për Prokurimin Publik në Republikën e Kosovës, dt. 19 shtator 2011;
Ligji Nr.04/L-237 Për Ndryshimin dhe Plotësimin e Ligjit Nr.04/L-042 Për Prokurimin Publik në Republikën e Kosovës;

2. ARSYESHMËRIA

Zhvillimi i bujqësisë së qëndrueshme, si një nga prioritetet kryesore të Qeverisë së Kosovës, nuk mund të arrihet pa shfrytëzimin racional të pasurive ujore si dhe pa vendosjen, rehabilitimin dhe zgjerimin e infrastrukturës së ujitjes.

Derisa në stinët e tjera, të reshurat janë të mjaftueshme, ato mungojnë gjatë stinës së verës. Prandaj imponohet nevoja e akumulimit, grumbullimit dhe strukturimit të ujërave, me qëllim të shfrytëzimit të tyre gjatë verës për nevoja të ujitjes së kulturave bimore.

Gjendja teknike e një pjese të madhe të infrastrukturës së ujitjes nuk është e mirë. Pendat, rezervuarët e ujit, stacionet e ujitjes, pompat, kanalet, gypat, etj., kanë nevojë për rehabilitim, për ndërtime të reja, si dhe për mirëmbajtje të rregullt. Zhvillimi i bujqësisë intensive dhe konkurruese, në kushtet ekonomisë së tregut të lirë, është i pamundur pa zhvillimin e sistemit të ujitjes. Kjo bëhet edhe më e rëndësishme nëse merren parasysh ndryshimet klimatike të viteve të fundit dhe parashikimet për të ardhmen.

3. OBJEKTIVAT E PËRGJITHSHME

- Rritja e produktivitetit të prodhimeve bujqësore;
- Rritja e rendimentit dhe cilësisë së prodhimeve bujqësore;
- Rritja e aftësive konkurruese të prodhimeve bujqësore;

3.1 OBJEKTIVAT E VEÇANTA

- Modernizimi i sistemit për ujitje dhe kullim, duke zvogëluar humbjet në sasinë e ujit të përdorur;
- Përmirësimi i lidhjeve të brendshme në rrjetet ekzistuese të ujitjes;

4. LIDHJA ME MASAT E TJERA NË PBZHR

Kjo masë ka ndërlidhje me masat e tjera të PBZHR-së, si:

- Masa 101 "Investimet në asetet fizike të ekonomive bujqësore".

5. PËRFITUESIT PËRFUNDIMTAR

Përfituesit përfundimtar nën këtë masë janë:

- Fermerët, sipas definicionit nga Ligji për Bujqësi dhe Zhvillim Rural (L-03/098) dhe ndërmarrjet e tjera bujqësore të regjistruara në Regjistrin e Fermave.
- Shoqatat e përdoruesëve të ujit.

6. KRITERET E PËRBASHKËTA TË PRANUESHMËRISË

- Formulari i aplikimit me projekt propozimin, sipas formës standarde të MBPZHR-së;
- Kopja e një llogarie bankare të vlefshme;
- Kopjet e planit të tokave bujqësore të përfshira në projekt për ujitje;
- Pëlqimin e Komunës që dëshmon se në rast të dhënies së grantit, aplikuesi mund të marrë leje ndërtimi;
- Dëshmia që fermerë përfitues nga Masa101 "Investimet në asetet fizike në ekonomitë bujqësore", janë përfshirë në projekt, nëse ka të tillë;
- Kopja e letërnjoftimit të menaxherit / në rastin e personave juridik, kopja e letërnjoftimit të pronarit ose personit të autorizuar të ndërmarrjes
- Projekte të pranueshme për financim me mjetet publike janë vetëm projektet që pas përfundimit të investimeve janë në funksion të qëllimit për të cilin është bërë investimi (janë në gjendje për të ujitur tokat bujqësore) dhe kjo duhet të dëshmohet me rastin e kontrollës së fundit në terren. Nëse projektet pas përfundimit të investimit nuk janë funksionale, përfituesi obligohet ta kthejë shumën e financuar të përkrahjes publike të marrë si paradhënie . Të gjithë përfituesit e projekteve të zhvillimit rural obligohen t'i mirëmbajnë investimet e tyre sipas projektit të miratuar gjatë pesë vjetëve pas realizimit të projektit, aq sa zgjat periudha monitoruese. Nëse nuk i mirëmban investimet, përfituesi obligohet ta kthejë shumën e financuar të përkrahjes publike;
- Përfituesit nuk mund t'i jepet një projekt i ri nëse projektet e mëparshme nuk janë përfunduar në përputhje me kontratën e nënshkruar me AZHB.

M.V.

Në rast të përzgjedhjes së projektit, para nënshkrimit të kontratës, përfituesi duhet të dorëzojë:

- Projektin e detajuar, me paramasë dhe parallogari;
- Pëlqimin nga komuniteti, nëse parashihet me ligj;
- Vlerësimin e ndikimit në mjedis, nëse parashihet me ligj;
- Lejen për ndërtim nga organi kompetent i Komunës;

7. KRITERET E VEÇANTA TË PRANUESHMËRISË

- Projekti teknik i dorëzuar duhet të demonstrojë zvogëlimin e humbjeve të ujit në minimum 10%, në rastet e modernizimit të sistemeve ekzistuese të ujitjes.
- Përfituesi duhet të kontraktojë kompani ndërtimi me përvojë të mëhershme në ndërtimet relevante që kërkohen në projekt dhe e cila do të garantojë për punët e ndërtimit për së paku 3 vjet pas finalizimit të punës. Kompania e kontraktuar duhet të dëshmojë afarizmin pozitiv për tre vitet e fundit dhe respektimin e legjislacionit të prokurimit në fuqi.
- Përfituesi duhet të dorëzojë deklaratë me shkrim përmes së cilës garanton se do të participojë me 20% të shumës totale të miratuar për realizimin e projektit.
- Sipërfaqja minimale e projektit nën ujitje duhet të jetë 20 ha.
- Aplikuesit duhet të dëshmojnë të drejtat pronësore të tokës së tyre dhe të gjitha tokave të fermerëve tjerë ku do të bëhet investimi i propozuar. Kjo nuk kërkohet vetëm në rastet kur pronari i tokës dhe aplikuesi janë në marrëdhënie bashkëshortore apo në vijë të drejtë të gjakut pa kufij (p.sh. stergjyshërit, gjyshërit, prindërit, fëmijët, nipërit, etj.) dhe kjo dëshmohet përmes certifikatës së martesës apo certifikatës së lindjes. Po ashtu, aplikuesi duhet të plotësojë Deklaratën nën betim, me të cilën dëshmon se toka me të cilën aplikon është në pronësi të tij.

8. INVESTIMET E PRANUESHME

- Shpenzimet e pranueshme janë të kufizuara në ato që janë listuar në Listën e Investimeve të pranueshme për Masën Ujitja e Tokave Bujqësore, e paraqitur si Shtojcë Nr. 6 e Udhëzuesit për Aplikues.
- Shpenzimet për përgatitjen e planit të biznesit apo projekt-propozimit nuk mund ta tejkalojnë vlerën prej 3% të shpenzimeve të pranueshme. Në rast të investimeve që parashohin skica, dizajn të hollësishëm inxhinierik, vlerësim të ndikimit në mjedis, shpenzimet për arkitekt dhe inxhinier, leje dhe licenca të ndryshme janë të pranueshme deri në vlerën 7% të shpenzimeve të pranueshme.
- Gjithsej, shpenzimet maksimale të pranueshme për një përfitues, për tërë periudhën e zbatimit të Programit për Bujqësi dhe Zhvillim Rural 2014-2020, për Masën e ujitjes, janë 500,000 €.

9. KRITERET E PËRZGJEDHJES

Tabela 22: Kriteret e përzgjedhjes për masën e ujitjes së tokave bujqësore

Kriteri	Parametri	Nr. i pikëve
Kostot-efektive për zgjerimin e sipërfaqeve të ujitura	<p>Metoda e kalkulimit:</p> <p>Të gjitha projektet teknike duhet të përfshijnë të dhënate nevojshme në lidhje me zonën që është rehabilituar /zgjerimin për ujitje dhe koston mesatare për ha.</p> <p>Pasi të jenë vlerësuar të gjitha projektet, nga projektet e pranueshme do të krijohet një hierarki e kostove për ha,duke filluar nga më e ulëta deri tek më e larta.</p> <p>Projekti me koston më të ulët do të marrë numrin maksimal të pikëve, ndërsa projekti me koston më të lartë për ha do të marrë 0 (zero) pikë.</p> <p>Pjesa tjetër e projekteve të pranueshme do të marrë pikët (me 2 decimale)sipas këtij kriteri bazë të koston së tyre për ha,ndërsa rezultatet do të shpërndahen në mënyrë të barabartë.</p> <p>Kalkulimi për poentim:</p> $30*(C_p - \max C) / (\min C - \max C)$ <p>C_p - kosto për 1 ekstra ose ha të modernizuar të ujitur nga infrastruktura për ujitje për projektet e vlerësuara.</p> <p>Shpenzime minimale C kosto për 1 ekstra ha të modernizuar të ujitur nga infrastruktura për ujitje për projektet e pranueshme me kosto minimale për ekstra ose ha të modernizuar të ujitur -</p> <p>Maksimale C- kosto për 1 ekstra ose modernizim ha të ujitur nga infrastruktura për ujitje për projektet e pranueshme me kosto maksimale për ekstra ose modernizim ha të ujitur</p>	Max. 30
Sipërfaqja e ujitur	$\geq 20 - < 50$ ha	10

M.K.

(ha)	≥ 50 - < 75 ha	15
	≥ 75 - < 100 ha	20
	≥ 100ha	30
Aplikuesi është shoqatë për ujitje të tokave bujqësore		10
Numri i fermerëve të regjistruar në Regjistrin e Fermës që përfitojnë nga projekti	1 - 10	10
	11 - 20	15
	21 e më shumë	20
Realizimi i projektit përfshinë përfitues të Masës 101 "Investimet në asetet fizike të ekonomive bujqësore" në tri vitet e fundit.	1 - 5	5
	6 e më shumë	10
Totali		100

Vërejtje: Në rastet kur aplikuesit kanë numër të njëjtë të pikëve, përparësi kanë projektet e dorëzuara më herët.

10. SHKALLA E PËRKRAHJES PUBLIKE

- Vlera minimale e shpenzimeve të pranueshme për projekt brenda kësaj mase është 20,000 €, kurse vlera maksimale e shpenzimeve të pranueshme për projekt është 200,000 €;
- Përkrahja publike është 80% e shpenzimeve të pranueshme të investimit.
- Në rast se vlera e shpenzimeve të pranueshme është më e madhe se 100,000 €, pagesa bëhet në dy këste. Pjesa e parë e përkrahjes publike në vlerë prej 50% bëhet në formë të paradhënies pas nënshkrimit të kontratës me përfituesin, ndërsa pjesa tjetër e mbetur prej 50%, paguhet pas verifikimit të përfundimit të investimit të përgjithshëm.

11. BUXHETI

Tabela 23: Ndarja e planifikuar buxhetore:

Sektorët	Vlera në euro	% e buxhetit
Ujitje e Tokave Bujqësore	1,000,000	100%
Totali	1,000,000	100%

12. INDIKATORËT E PROGRAMIT

Tabela 24: Treguesit e monitorimit

Lloji i treguesit	Treguesi	Caku
Të dhënat	Vlera e përgjithshme e mbështetjes publike	1,000,000
Prodhimi	Vlera e përgjithshme e investimeve	1,200,000
	Numri i përfituesve të mbështetur	9
Rezultati	Sipërfaqet e zgjeruara të ujitura	600
	Sipërfaqet e modernizuara të ujitjes	600
	Rritja totale e prodhimit (në ton) nga sipërfaqet e ujitura si rezultat i drejtpërdrejtë i investimeve të propozuara, për:	
	Drithërat	1,260
	Perimet	3,920
	Frutat	5,880
	Rrushit	1,960
Ndikimi	Gjithsej ekstra prodhimi bujqësor (euro)	5,165,650

13. PROCEDURA ADMINISTRATIVE

Kjo masë do të zbatohet nga Agjencia për Zhvillimin e Bujqësisë (AZHB). Procedurat administrative të detajuara do të paraqiten në Udhëzimin Administrativ i cili miratohet nga Ministri i Bujqësisë, Pylltarisë dhe Zhvillimit Rural.

14. AFATI I ZBATIMIT

Afati i implementimit të projekteve të kësaj mase është 180 ditë nga dita e nënshkrimit të kontratës me AZHB-në. Pas periudhës prej 180 ditëve, përfituesi ka edhe 15 ditë shtesë për përgatitjen e dokumentacionit dhe paraqitjen e kërkesës për pagesë. AZHB mund të zgjasë afatin e implementimit për më së shumti 30 ditë, nëse ka arsye të forta për këtë.

15. SHTRIRJA GJEOGRAFIKE E MASËS

Kjo masë aplikohet në tërë territorin e Republikës së Kosovës.